

LIZU LYA CHINJIKIZO



Ngwasakwilila. Pamo etu tutwalileho kwimana katando kakandende, shimbu natutanga eli Lizu, yako lika na Lizu ufukuuno, shikaho etu katweshi chikuma na lwolako. Ngwatondo enu kufukununa na yami, ufukuuno, ku Mukanda wa Kulovoka, kaha kuputukila ha kapetulu 4 wa Mukanda wa Kulovoka.

Kaha Mose amukumbulwile amwambile ngwenyi, Oloze, tala, vakiko kaveshi kukangwitavako, chipwe kwivwilila mu lizu lyami: mwomwo navakangwamba ngwavo, Uze YEHOVA kalisolwele numba kuli oveko.

Kaha YEHOVA amwambile ngwenyi, Owo uli mulivoko lyove uka? Amwambile ngwenyi Mukombo.

Kaha YEHOVA amwambile ngwenyi, Umbile hamavu. Kaha aumbilile hamavu, kaha walumukile kupwa linoka; kaha Mose amuchinyine.

Kaha YEHOVA ambile kuli Mose ngwenyi, Olola livoko lyove, umukwate kumukila. Kaha olwele livoko lyenyi amukwachile, kaha alumukile kupwa mukombo mulivoko lyenyi:

mangana vaketave ngwavo YEHOVA nalisolola kuli ove Kalunga kavakaka javo, uze Kalunga ka Apalahama, . . . Kalunga ka Yisaka, . . . Kalunga ka Yakova na lisolola kuli ove.

Kaha YEHOVA amwambile nawa ngwenyi, Ingisa jino livoko lyove hatulo yove. Kaha engishile livoko lyenyi hatulo yenyi: kahomu alilolwele kumana livoko lyenyi lyapwile nambumba litoma to nge vula yachishika.

Kaha amwambile ngwenyi, Engisa cheka livoko lyove hatulo yenyi. Engishile cheka livoko lyenyi hatulo yenyi; Kahomu alifumishile hatulo kumana linalumuka cheka kupwa . . . nge nyama yenyi yikwavo.

Kaha nachikasoloka, kachi nge vakiko kaveshi kukakwitavako, chipwe kwivwilila mu lizu lya chinjikizo chakulivanga, kaha navaketava lizu lya chinjikizo chamuchivali.

² Echa tunongamenu mitwe yetu. Kaha namitwe yetu yakunongama, kaha michima yetu, nawa, Ngwalikomokela kachi kuli kala muno ufuku uno ou ali nakufwila kulomba? Echa vachitachikize hakuzundula mavoko enu. Kalunga amihanecho.

³ Tata Yetu wa Mwilu, etu tunamona echi kupwa lisesa lyetu, kwiza kuli Ove mu kulomba, kwiza mu Lijina lya Mwata Yesu.

Kaha vamushikile Ikiye, chize kachi etu natuhula kalachuma mu Lijina Lyenyi, navakamihanacho. Ove unatachikiza kutonda chakalamuthu. Ove untachikiza mavoko etu kwimanyinako vyuma muka vavililile. Ngwalombo, Tata, nge Ove muya nakukumbulula ha kutonda ufukuuno. Mbata upahu.

⁴ Kaha jino echa Mulongeshi wamunene wa Lizu, ou Shipilitu Wajila, ejile hali etu, ufukuuno, na kulisolola Lyavene kuli etu, kaha—kaha kulilingisa Lyavene kumutachikiza kuli etu, ha—kupwa chinjikizo cha kusanguka Chenyi. Echa Ikiye ezenga mukachi ketu, ufukuuno, Mwata, kaha—kaha kutambukila michima yetu. Hanjika kuli etu kuhichila muvyuma vize Ikiye ashikile ha likumbi lino. Echa Mazu aze vashikile hali luzu lwola kupwa vakusoloka kumeso etu, mangana etu kupwa vakunoka vene, mu echi kupwa na ukalu waunene lwola luzu Enu kuhanjika kwiza hano hamavu, kweseka vathu vosena. Kaha echi punduvene chineza kuli luzu lwola, Tata, omwo muthu esekela. Kaha kuze jimbango jajivulu kupwa vakuhandunuka, palanga naumwe atachikijile mwakulinga. Oloze, Mwata, Ngwalombo nge Ove muya nakututachikiza etu, ufukuuno, nge Ove uli hano na etu, Echi chili hano kutukafwa etu. Tuhane kutonda chetu, mwomwo etu twalombo echi mu Lijina Iya Yesu. Amena.

Twamenu.

⁵ Ngunapunga vene wamundende na kukotokela hakala ufuku. Kaha Nangutwalilaho kushinganyeka *echi* chihungo, oloze ize yili umwe ali nakukopa. Oloze echi *hano*, Ngwashinganyeka, napu umwe uze Ngwatela kwivwulila, mokomoko kuhanjika muli chize.

⁶ Hamene na ufuku unapu ufuku wachilika, shikaho kanda kavulyamako. Ngunashinganyeka echi chili... Ngunashinganyeka echi kupwa nakuvilika, haze kuze hali vathu nakuya.

⁷ Etu punduvene tunasakwilila kulikata mu vyuma vyavinene vize Mwata na lingi.

⁸ Jino, ufuku uno, Ngwashinganyeka chize, kuvangila etu tunatachikiza Lizu Iya Kalunga, etu tunahono kutachikiza mwakulingila. Etu katweshi kuhasa kupwa nalufwelelo palanga etu tunatachikiza chuma muka nachiya muchima wa Kalunga. Kaha, chumamuka, kahajino kachi etu tunatachikiza nge nachiya muchima wa Kalunga, eli Lizu Iya Kalunga kuhanjika chumachimwe, kahajino etu tunahase kuwahilila kukavangiza chize.

⁹ Jino kachi Mwata Yesu apwilenga nakutambuka nakujinguluka, hakapaji, ha mavu ufukuuno, mumujimba wanyama, kaha Ikiye ngwenyi, “Hamene nachiya nakupwa vula, likumbi lyosena,” jino echi nachipwa chachashi kupwa umbulela omu Ngwasele mu chimene, mwomwo Ikiye ahanjikile

chize. Jino, kachi Ikiye kahanjikile ngochoko, Ngunahono kutachikiza jino chuma muka kutala. Shikaho eyi ikiko jila ili, mukala chuma etu tweji kulinganga, etu twatondo kutachikiza ola, chisemunuino etu tuli nakuyoyelamo.

¹⁰ Kaha kuli vamwe vavahya, uno mulungu etu tuneseka kusolwesa nge Kalunga, kufuma kukuoutuka, kutachikiza makumishilo. Chize chikiko chamulingisa Ikiye kupwa wakuzeneka maputukilo na makumishilo. Kachi Ikiye keshi wakuzeneka maputukilo na makumishilo, wakuzeneka maputukilo na makumishilo, Ikiye keshi kupwa Kalunga ko. Kaha Ikiye kupwa wangolo josena, apwako lika, watachikijiza vyosena, kupwa Kalunga. Echi chikiko ngolo josena, kutachikiza vyuma vyosena, muvihela vyosena, kaha—kaha—kaha kutachikiza makumishilo kufuma kumaputukilo. Kachi Ikiye mwahona, kahajino Ikiye keshi Kalunga ko.

¹¹ Shikaho kaweshi chumachimwe vene kufuma kuweluka. Ali etu. Oloze kakweshi chuma chimwe mu Lizu lya Kalunga; chili nakujinguluka nge koloko. Kaha emu luze lwola nalwiza nakusoloka, Lizu lize vahana hali chize chisemunuino, ecchi kusoloka. Etu tunahase kushinganyeka echi kuya... kacheshi kuya nakusolokako. Lwolalumwe chinasoloka kaha etu tunahono kutachikiza echi. Yesu ngwenyi, lwola lumwe...

¹² Vakiko vahanjikile kuli Ikiye, “Mwomwoika echi chili—nge...vosena vakakusoneka ngwavo ‘Elija atela kwiza chatete?’” Talenu, jino, vakiko vafwelelele chize. Vakiko vafwelelele nge Elija apwilenga nakwiza.

¹³ Kaha Yesu atalile hali vakiko, kaha ngwenyi, “Elija neza lyehi, kaha ove kawamwijivileko.” Talenu? Jino, talenu, echi chahichile hali vaze vakakusoneka, vakakuzata, tumbaji. Kaha apwilenga Yowano uze Mbaputishiti, kaha ikiye kwiza muli ize jila ize Elisha apwile nakwiza, oloze vakiko vatondele kumutachikiza.

¹⁴ Kaha jino chatela kuli etu kutachikiza ola ize etu tuli nakuyoyelamo, kaha lwola etu tuli nakuyoyelamo. Hali chize, Ngwatondo kuhanjika ufukuuno: *Lizu Lya Chinjikizo*.

¹⁵ Kutanga chaungeji, ohonyi Kalunga waungeji vyuma mujila yaungeji. Chize chikiko chamulingisa Ikiye kupwa Kalunga, mwomwo Ikiye ali—Ikiye apwa ngolo jaukalunga. Kaha vyuma vyosena vize Ikiye eji kulinganga, Ikiye—Ikiye eji kuchilinganga, Ikiye nahase kuchilinga mungolo jaukalunga, mwomwo Ikiye apwa waukalunga.

¹⁶ Jino, *Lizu Lya Chinjikizo*. Kaha lili...Kuli lizu lya chinjikizo. Kuli lizu lya manyinga. Manyinga kuhanjika kufuma hamavu, kaha—kaha navyangocho, “Aze manyinga akwoloka a Avele ahanjikile hali Kena.” Kaha eyi Mbimbiliya ngwayo, “Aze Manyinga a Yesu Kulishitu kuhanjika vyuma vyavinene kuhambakana manyinga a Avele alingile.”

¹⁷ Jino kutwama chetu ufukuuno, mokomoko kupwa chetu, kusokolola mu Kulovoka. Kaha lwola lwa Kulovoka mulwola lwakulisanyika, kaha kulovoka chinahete.

¹⁸ Mose, ngamba ya Mwata, vamusanyikile kupwa na—na mukana wa mulimo. Kaha kulinga chuma ikiye ashinganyekele, ikiye apwile wakutanga mu Ejipitu, kulinangula vyosena vize—vize mangana a Ejipitu, kaha kusoloka ikiye kupwa na—na jila, ize kupwa liswalale wamunene wamangana, nge ikiye apwile wakutela kusokola vathu jenyi kufuma mwishi ya kukashiwa, mwomwo ikiye apwilenga kwiza cha Fwalo. Kaha omu chinapu chachashi kupwa na hali ikiye kulinga chize. Oloze, mwamono, kachi wapwile mulonga kana, jino nachiya nakupwa.

¹⁹ Kalunga kanda kumbata vyuma vya chisemwako. Ikiye eji kumbatanga vyuma vyaukalunga kwinjikiza Lyavene.

²⁰ Shikaho myaka fwote ya kutanga, cha helu chikuma chize ikiye atambwile, kaha kuwaha chize vahashile, mukakutanga vyauthu ikiye nahase kupwa; na kwivwushisa kufuma kuli naye, chilombola chenyi, nge ikiye apwilenga umwe kusokola vathu; kaha ikiye ayile mungolo ja kwivwushisa chenyi, kaha kujiha ka Ejipitu. Kaha, kufuma muze, kuwana ngolo jenyi jahonene, kaha jino kulaha nakwingila mupambo.

²¹ Kaha chumamuka Ejipitu, mukutanga, kumuhaka ikiye mumyaka fwote, kumbata Kalunga myaka yikwavo hakumufumisako, talenu, shikaho ikiye kachi kufwelela jishimbi ja kutanga. Ikiye mwaya nakufwelela mu ngolo ja kalunga.

²² Kaha jino lwola lunahete lyehi nge Kalunga ashikile lushiko, kuli Apalahama, myaka fwo handulendi shimbu kanda luze lwola, nge eyi mbuto navakatambuka mulifuchi lyaungeji, kaha vakiko vakiko navakavalovolamo. Hanyima ya myaka fwote, vakiko navakaya nakuneha livoko lyaundume. Ikiye mwaya nakusokola vathu jenyi kulivoko lyaundume. Kaha omwo lwola lwa lushiko lwapandamine, omu mukiko Kalunga ahakile Mose hazevene. Mose, mukuhona chenyi, ayile nakwingila mupambo.

²³ Jino muyachi hano, kuze unap muyachi wamwaza uze etu punduvene kuhona kujimbalisa. Talenu? Chifwanyisa, Kalunga apwile nakuneha Isalele, vathu Jenyi, kulovoka, lifuchi, lifuchi kufuma mulifuchi. Lifuchi kulifumisa mulifuchi, muyachi wamwaza wa lelo, nge Kalunga ali nakusanyika Mwenga Wenyi kufuma muliuka, Mwenga wa Mukakulishitu kufuma mu liuka lya Vakakulishitu, na Liuka lya Mwenga kulovoka muliuka, lize vavuluka, muze mu Mbimbiliya, vavuluka.

²⁴ Ngukwechi visoneka vyavivulu na Visoneka vyakusoneka hano, hali echi kutanga ufukuuno.

²⁵ Echi vachivuluka, lwolalumwe, “Vaze Vakusakula, vaze Vakutongola, mokomoko mbuto ya pwevo Vakusalaho.” Vachivuluka ngwavo, “uze Mwenga,” chuma Kalunga, ha

kutongola Chenyi, kutongola kupwa. Echi chinapu, Mwenga kwiza nakufuma muliuka. Talenu, chuma chosena chili liuka, oloze Kalunga eji kumbatanga vathu kuvafumisa muliuka, nge Mwenga. Ikiye ngwenyi Ikiye mwaya. Kaha Ikiye achilingile, talisenu, mokomoko Ikiye mwaya nakuchilinga.

²⁶ Talisenu, talenu omu Ikiye alingile, kaha mujila kaha omu Ikiye alingile. Etu twatondo kutala hali echi jino, nge omu Ikiye anehele va Isalele, omu Ikiye alingile, kaha mujila ize Ikiye—Ikiye achilingile.

²⁷ Talisenu omu lwola lwalushiko la Lizu apwilenga wakuzalishiwa, Kalunga amusanyikile Mose, ha kutongola, kaha kumusakwila kumulimo. Talenu? Kalunga napu lwola lwosena kupwa muthu walusona, halwola luze. Kwauchi cheji kuhonanga na Kalunga. Ikiye ambile ngwenyi echi; kacheshi kuhasa kuhonako. Kachi nachihona, kahajino Kalunga eji kuhona, mwomwo Kalunga napu Lizu.

²⁸ Tachikizenu, jino, eli Lizu lyatela kusoloka. Kaha omwo lize Lizu lyatela kusoloka, lya lushiko, Kalunga lwola lwosena eji kutumanga kapolofweto kusoloka luze lushiko, mwomwo eli Lizu lya Mwata lyejile kuli ikiye.

²⁹ Mose, kutongwela ha pungu, apwile wakusanyika kumulimo. Naumwe pimbwe weka ahashile kulinga chize.

³⁰ Omwo Kalunga na—na kusanyika muthu ha mulimo kulinga, kakweshi numba umwe nahase kumbata chihela chacho. Kwauchi numba umwe ambachile chihela chove, kulimanyina chove.

³¹ Kakavulu Ngwalikomokelele ngachilihi, omu Ngunatondo kumbata chihela cha Oral Roberts, omu Ngunatondo kumbata Billy Graham, muthuumwe nge ngachize. Nge Billy Graham, kuya nakuhanjika kuli likungumbuwa lya vathu, kusanyika vakashili kukamenga; kuvulyama echi kaha kuya kwimbo, keshi kwimana kuze na kulipika cheka. Kangweshi kuhasa kupwa Billy Graham, oloze chipwe Billy Graham kupwa yami. Etu tuli vosena vavali. . . Kangweshi kuhasa kupwa Oral Roberts; Oral Roberts kaveshi kuhasa kupwa yamiko.

³² Ove uli, umwe wosena, kupwa nakupwa kukuyoya cha Kalunga, kupwa mu chihela. Umwe kulitwamina kulya lwola lwosena na kulikata na Kalunga, shimbu umwe namukwavo kutapula maliyavolo mwomwo ya kulitwamina kulya chimwe. Oloze unapu Mujimba wosena wa Kulishitu kuzata hamwe, kulinunga. Omu etu natumona mukeleko wa vikungulwilo kuhokoka, chize chiko cheji kukolesanga muchima wami, talenu, mwomwo chize chikiko chuma cheji kutuhandununa etu. Etu twapwa umwe.

³³ Kakweshi vathu vavanene mukachi ketu, kakweshi vathu vavanene mukachi ketu. Etu twapwa vosena vovamwe. Etu tunapu vana va Kalunga. Kuli kaha umwe wamunene mukachi

ketu, kaha uze ikiye Kulishitu. Etu twatela kumutachikiza Ikiye. Kaha kachi etu natutonda kuvumbika, umwe kufuma kuli mukwavo, etu katweshi nalufweleloko, mwomwo etu tuli nalufwelelo muli umwe namukwavo. Etu twatela kupwa nalufwelelo muli Kulishitu. Ikiye napu Umwe mukachi ketu uze etu twatela kupwa nalufwelelo, kaha jino lufwelelo muli chize Ikiye ali nakulinga na kutuhana etu.

³⁴ Jino, naumwe pimbini ahashile kumbata chihela cha Mose. Chipwethuhu mwalaha ngachilihi, kaha chipwethuhu mweseka ngachilihi mwafuma, oloze Kalunga kutachikiza chumamuka Ikiye ali nakulinga. Ikiye atachikijile chumamuka Ikiye ambachile na kupwa na Mose. Vyuma kana vyatela kusoloka. Jino, tala, naumwe pimbini ahashile kumbata chihela chenye.

³⁵ Jino tala. Kalunga amuhanyine chinjikizo, kwinkikiza kusanyika chenye na kuhanjika, omwo ikiye ayile nakushikumuka mu Ejipitu.

³⁶ Jino, Kalunga lwola lwosena eji kuhana muluwa chinjikizo, kaha lizu lya chinjikizo. Kaha chize chinjikizo cheji kusololanga muthu, kachi vanachisoneka mu Chisoneka.

³⁷ Nge Yowano ambile ngwenyi, “Yami lizu lya umwe lili nakutambakana mupambo.”

Vakiko ngwavo, “Ove yove Meshiya?”

³⁸ Ikiye ngwenyi, “Yami kangweshi Meshiya ko. Oloze Yami lizu lya umwe ali nakulila mupambo, nge kapolofweto Isaya ahanjikile.” Ikiye nahase kulisolola lyavene.

³⁹ Kaha jino, kahajino, muli chize, etu tunawane nge Kalunga, lwola lwosena, kanda lyehi alumuke jila Yenye yakulinga kalachuma. Ikiye keshi kuhasa kwalumukako. Kalunga eji kulinga vyuma vyosena mujila yoyimwe, omwo Ikiye—Ikiye ahakile zachiso Yenye hamwe.

⁴⁰ Nge muze Ngwahanjikanga ufuku ukwavo, Ikiye kupwa na kusakula chimwe, muthu vatela kumulwila ha kumwanga Manyinga Aumwe wakuzeneka mulonga. Etu kweseka kalavyuma nawa, kupwa na muthu wakulwila. Etu kweseka kumumbata ikiye kuchihela kuze etu twatungile mbongi, Nevukataneza alingile. Kaha vakiko vatungile kaposhi, Nimrod. Vakiko vapwilenga na lushiko. Kaha vakiko vapwilenga na jitembele. Vakiko vapwilenga na mauka. Vakiko vapwilenga na vikungulwilo. Vakiko vapwile na vilinga vya kutanga, vilinga vya vikungulwilo, kweseka kumbata muthu kuli Kalunga. Echi, kala chuma chindende, kuhona. Echi lwola lwosena kuya nakuhona. Echi kwiza nakukinduluka kukumwanga Manyinga!

⁴¹ Jila ya kalunga kulinga kalachuma kuhanjika mu Lizu Lyenyi. Kaha eli Lizu linapu kusoloka cha Yesu Kulishitu, kakweshi chuma chakuhakilako kuli Echi mokomoko kufumisa muli Chize. “Wosena alinga,” eyi Mbimbiliya ngwayo, “chihanda

chenyi navakafumisa mu Mukanda wa mwana Mukoko wa Kuyoya,” kachi ikiye mwalinga nakuhakilako chumachimwe mokomoko kufumisako kalachumachimwe kufuma muli Chize. Chimbate Echi mujila kana Vanachisoneka.

⁴² Eyi Mbimbiliya kayatondele kalamuthu Kuyilumbununa, Kalunga napu Ikiye Lyavene mukakulumbununa. Ikiye eji kulumbununa Echi ha kulingisa omu Ikiye ahanjikile kwiza nakuhita. Mukiko kaha. Kachi Kalunga ahanjikile echi, kaha Ikiye achilingile, mukiko kaha. Echi kachatondele mukakulumbununako. Eyi Mbimbiliya ngwayo, “Echi kacheshi kulumbununa chakupengeko.”

⁴³ Kalunga jila yenyi yakulinga echi! Numba muchano ku chinjikizo Chenyi, Ikiye kukavangiza lizu Lyenyi; kala, kufuma haze, Kalunga atumine chinjikizo muze mumavu. “Jino Kalunga kanda lyehi alinge chuma chimwe,” eyi Mbimbiliya ngwayo, “palanga chatete Ikiye nachisolola echi kuli vangamba Jenyi tupolofweto.” Jino chize, enu...Kachi echi chakuhenga, kahajino vyosena vili vyakuhenga, talenu. Ikiye kanda lyehi alinge kalachuma palanga Ikiye nachisolola echi.

⁴⁴ Kaha uze mukakumona, kapolofweto, atela kupwa wakusolola, nge chuma ikiye mwapolofweta, etu tunawane mu Kulava 112:6, nge chumamuka ikiye ahanjikile kwiza nakuhita. Jino, kufwelela echi. Oloze kachi kacheshi kwiza nakuhitako, jino kanda kufwelela echiko. Kaha chatela kupwa ngachize, Ikiye...Chipwethuhu ikiye mwahanjika ngachilihi, kaha chejile nakusoloka, kaha kalachuma; kachi echi kacheshi kutesa na Lizu ko, kahajino chinapu chakuhenga. Chatela kupwa na Lizu. Chatela kupwa muchiyulo na Lizu kupwa chinjikizo cha luze lwola, lwola luze vakiko vali nakuyoyelamo.

⁴⁵ Jino, echi vachishikile kuli Kalunga, nge Ikiye mwaya nakusokola vathu Jenyi na livoko lya ngolo jakuzama. Jino, omu lize Lizu, Ikiye kasanyikile kapilishitu, Ikiye kasanyikile wamulemu, Ikiye kasanyikile wakulitulaho. Ikiye kasanyikile uze kafunga, kufuma mupili, numba mujila, kusemuka, kapolofweto wakutongola uze kazangile mulimo wenyi.

⁴⁶ Omwo enu namwivwa vathu kufwila kupwa *echi*, *chize*, mokomoko *chikwavo*, chumachimwe, tala kaha, Kalunga kanda lyehi alumuke. Kalunga atelele kuhangasana Mose, mangana amukwate. Ikiye kuhangasana Paulu, mangana kumukwata. Ikiye...Uze napu muthu uze keshi nakutonda kulinga chize, vakiko kavatondele vyuma kana; kahajino Kalunga eji kumbatanga uze muthu, nge ikiye keshi kulinga ko, shikaho Ikiye nahase kusolola upahu Wenyi hali chize.

⁴⁷ Jino tala. Kala—kala chinjikizo cha Kalunga chakutumine na lizu. Jino enu talisenu hano, kutanga chili...chinjikizo na lizu. “Kachi vakiko kaveshi kufwelela lizu lya chinjikizo chatete, kahajino vakiko navakaya nakufwelela lizu lya chinjikizo

chamuchivali.” Jino, chinjikizo chili na lizu. Kaha, jino, kala chinjikizo cha Kalunga chakutuma chili na lizu, kaha lize lizu lyatela kuhanjika kutesekesa na Lizu lize vanalihane kuli lize likumbi, mukiko vene.

⁴⁸ Kachi lizu naliza, lize lizu lyolimwe lya mwaka...Ove unamono chize chinjikizo, chize, kaha chize chinjikizo chize muthu ali nakulinga kupwa na shikola yoyimwe yakushinganyeka, jino ove unahase kuhanjika mwakwoloka jino, “Chize kachejileko kufuma kuli Kalunga,” kachi echi kulama kulilum ununa shikola yamwaka yoyimwe ya kushinganyeka. Kayalingileko. Echi kanda chipwenga. Echi nachipwa chakufumbukila Kwala cha Kalunga.

⁴⁹ Echi chatela kupwa chumachimwe chachihya. Echi chatela kupwa chumachimwe chize vathu kavevwushisako. Echi chinapu...mokokoko vanahono kuchituma. Echi kachatondele kupwa na kutuma, kachi shikola yamwaka yoyimwe ya kutanga vyauthu. Echi chatela kupwa chumachimwe chakuhandunuka, oloze chatela kupwa kusoloka mu Lizu, nge chinapu cha lize likumbi. Talenu, vihela vyavihya vya Lizu lya Kalunga, chatela kupwa ngachize. Kakweshi numba kusenunuka kuli echi. Ou unapu Muchano; kupwa na kwinjikiza kuli Kalunga, kupwa Mwinhana. Kaha uze lunga mwahanjika echi chatela kupwa kwinjikiza cha Kalunga, kupwa mukakumona kufuma kuli Kalunga, mokomoko chakuhenga; vakiko kaveshi numba—kaveshi numba kumona echiko, mwosena, kavafwelela echiko.

⁵⁰ Vinjikizo vinapu—vinapu vya kufuma kuli Kalunga. Chize chinjikizo chize kukavangiza...Mokokoko, lize lizu lyeji kukavangiza chinjikizo chatela kupwa lizu lya Kalunga kuhanjika kufuma mu Lizu, lya chize chisemunuino. Enu munevwushisa echi?

⁵¹ Kalunga eji kuhana vinjikizo. Chuma muka Ikiye eji kulinganga? Lwola lwosena eji kuhana vinjikizo! Ikiye avalwekele vakiko chize chikiko vakiko kutala hali Ikiye, vinjikizo. Kalunga eji kuhana vinjikizo kulukwisa nakulingisa vathu Jenyi. Jino echa tutange echi, kanawa. Talenu, vinjikizo vavihana kulukwisa nakulingisa vathu. Mwomwo, omwo chinjikizo cha Kalunga chakutuma, Kalunga ali wakulizanga kuhanjika. Kalunga ali wakulizanga kuhanjika, omwo chinjikizo vanachihane. Kachi nachiza kufuma Mwilu, chinapu kufuma kuli Kalunga, kaha Kalunga ali wakulizanga kuhanjika kaha Ikiye ali nakweseka kulukwisa vathu.

⁵² Kaha lize Lizu lyejile kuli kapolofweto Kenyi. Kaha kapolofweto vamwijivila ha chinjikizo chize ikiye mwasolola, kaha ikiye kwiza na Lizu kaha lize Lizu kupwa nakusoloka. Muze mukiko kaha; kachatondeka kala kulumbununako. Kalunga lwola lwosena kupwa mukakulumbununa. Talenu, chinapu kaha chakukupuka nge omu chapwa.

⁵³ Jino tachikizenu, Kalunga eji kuhana vinjikizo kulukwisa nakulingisa vathu.

⁵⁴ Hano, chiputa kuwema chapwilenga chinjikizo kulukwisa kapolofweto; chiputa kuwema. Mose apwilenga, kunyima ya chipapa, kulama mikoko, uze mukakulama mikoko wakashinalkaji, na myaka eyite yakusemuka, nawevwu wausuku; kuya lika, kushikumuka kusali ya jila yamwaka yawenyembo, chimene chimwe chizuma, pamo. Kaha jino, lwola lumwe, kuze kwejile chiputa cha Kuwema, kaha chize chiputa kachawemeleko. Chamwaza, chize chapwile ngachize.

⁵⁵ Jino, Mose kupwa ka sayatisiti, uze, ikiye vamunangwile muma mangana osena a Ejipitu, kaha vakiko vapwilenga masayatisiti vavanene kuhambakana etu valelo; shikaho hakupwa sayatisiti, kusoloka nge ikiye mwahanjika, “Jino Nanguya nakumona muyachi muka wa-...wa ulembe wakumwangila kumafwo, auze auze mutondo uze kawahashile kuwemako.” Talenu, kachi ikiye atolekele jila ya sayasi, Kachi kavahanjikile na ikiyeko.

⁵⁶ Kaha shikaho mukiko chili na lelo, omwo etu tuli nakweseka kupandama kuhichila mu shikola na kutanga, mujila ya sayasi, ove muya nakujimbalisa jimayilosu miliyoni kufuma kuli Kalunga. Kupandama kuli echi nge Mose, na jisapato kufumisa; wakulikehesa, wakulinyisa.

⁵⁷ Kaha, jino, kuze kwapwile chinjikizo chaku kulukwisa kapolofweto. Jino, kuze, chize chinjikizo chatela kupwa na lizu. Kaha omu lize lizu kuhanjika, kachi chize kachapwilenga Chisonekako, Kangwafwelela nge kapolofweto mwahasa kwivwulila kuli chizeko. Oloze tala omu Chisoneka cha lizu lize lyejile hamwe na chinjikizo, chenjikijile kupwa Kalunga, mwomwo mukiko Ikiye ahanjikile, “Ngunevu kulyonyinga cha vathu Jami, kaha Ngunanuka lushiko luze Ngwashikile kuli vakiko.” Talenu, chinjikizo, kahajino lizu lya Chisoneka kunyima ya chinjikizo.

⁵⁸ Jino chize chasolwele vene chumamuka Nguhanjika kupwa chikuku. Chatela kupwa chinjikizo kufuma kuli Kalunga, kaha, kachi chili, kuli Lizu lya Chisoneka kunyima yacho, mwomwo lushiko lwa lize likumbi. Keshi shikola yoyimwe yamwaka; chize kulipika na vyuma vinapunga nakuhita mumashikola, mokomoko vyuma vyosena, kwosena, vosena, vase tupilishitu, na vyangocho. Oloze echi chinapu chumachimwe chachihya, kaha chinapu Chisoneka, lunapu lushiko; kaha chinjikizo kulukwisa kapolofweto.

⁵⁹ Kaha jino, Ikiye ngwenyi jino, shimbu kanda ikiye ayenga kuze, ikiye atela kupwa nachuma chimwe cha kwinjikiza lyavene kupwa kapolofweto, talenu, shimbu kanda vakiko vamutambule ikiye. Ambile ngwenyi, “Vakiko kaveshi kuhanjika Mwata nasolola kuli yami.”

⁶⁰ Ambile ngwenyi, “Kahajino, Nanguya nakumihana vinjikizo vivali kulinga, kaha chize nachiya nakukoka vishinganyeka vya vathu. Kaha omu kuhakako mangana kuli vathu nachikalukwisa, jino kuhanjika awa mazu kuli vakiko, ‘Yami Kalunga ka Apalahama, Yisaka na Yakova, kaha Ngunanuka lushiko Lwami.’ Kaha Ngunatumu ove uyenga nakuvashokola, kaha Nanguya nakupwa na ove.”

⁶¹ Mwatalishile chinjikizo chenye chatete? Ikiye apwile nakulifwanyisa chosena hali vakiko. Kalamuthu esekele kumbila linoka. Chize chili... Kachi chize kacheshi kulaha cha vathu ko, Ngunahono kutachikiza chumamuka chili, talenu. Talenu? Oloze lizu lya muyachi uka lize vakiko vapwilenga nalyo kunyima ya echi? Kwauchi; lize lizu lya Vakaejipitu muno mukaye. Oloze vakiko vahashile kuzata chinjikizo, oloze vakiko kavapwile na lizu kunyima yacho, kukinduluka. Oloze Mose apwilenga na MUKIKO MWANAMBE MWATA. Chize chikiko chihandwa. Vakakulifwanyisa makumishilo kuya lika halwola lwalusuku, oloze makumishilo alombebe.

⁶² Munatachikiza eyi Mbimbiliya yahanjika nge nachiya nakusoloka cheka mumakumbi akumakumishilo? “Nge Yane na Yambele vamwimanyinyine Mose nakole, shikaho mukiko na muthu wakukana muvishinganyeka kutwala ku Muchano.” Hiya Muchano? Yesu Kulishitu napu Muchano. Talenu? “Kupwa vishinganyeka vyakuvuluka kutwala ku Muchano.”

⁶³ Jino Yehova ali nakuya nakuhanjika ha Lizu Lyenyi lya lushiko. Ikiye atela jino kumbata ou kapolofweto wakulizanga kutuma hamavu. Mwomwo, chinapu lwolalwosena mumukana Wenyi wa kushinganyeka, mumukana Wenyi wakulinga vyuma, lwola lwosena kutuma kapolofweto Kenyi na Lizu, kaha kwinjikiza kapolofweto.

⁶⁴ Cheka, echi chinapu chinjikizo cha lushiko. Kapolofweto, lyavene, chinapu chinjikizo. Eyi Mbimbiliya yahanjika ngocho. Omwo enu namumona lwola kutuka, kaha jino talenu kwiza... Mbata mujimbu wa Mbimbiliya, kutanga echi. Kachi namumona kushimbula lwola kuhita; oloze omu enu namumona uze kapolofweto kusoloka, chapwilenga chinjikizo cha kusopesa. Kalunga apwile nakuya nakusopesa kaye, omwo Ikiye... mocomoko lifuchi, mocomoko vathu, omwo enu namumona kapolofweto kwiza. Ngunanangula mujimbu hali echi, ove mukajitepu anuka, uze... *Chinjikizo Cha Muchano Vanahumbula*. Vakiko lwolalwosena kukana, vakiko lwolalwosena kupwa, oloze chapwile chinjikizo chakwiza cha kusopesa.

⁶⁵ Jino Lizu Lyenyi linazalishiwa mu lizu Lyenyi. Chuma Ikiye ashikile, kahajino Ikiye eji kunangulanga Lizu Lyenyi ha lizu.

⁶⁶ Chize kwiza cha kapolofweto chinapu chinjikizo chakuhuhumuna chize kusopesa chili kulivoko. Lwola lwosena

chinapunga. Echa nguhanjike umwe.

⁶⁷ Tala hali Nowa kukatuka kusongo, mu—mu makumbi akushikulu, kapolofweto kupolofweta. Chumamuka echi? Kusopesa kukakachila hazevene.

⁶⁸ Mose ayile mu Ejipitu, kapolofweto wakwinjika na vinjikizo vya kapolofweto. Chuma muka chasolokele? Kusopesa kukwata mu Ejipitu hanyima yachize.

⁶⁹ Elija ejile nakusoloka, uze kapolofweto, na kupolofweta kuli Ahave na lize lifuchi. Chuma muka chasolokele? Kusopesa kukwata hanyima ya chize. chakwoloka.

⁷⁰ Yowano Mukakujimika ejile, nge chinjikizo. Ikiye apwilenga kapolofweto. Ikiye apwilenga chinjikizo cha kapolofweto chejile hano hamavu. Vakiko vatachikijile, omwo ikiye ejile, Meshiya mwakaya nakuhanjika, hanyima ya ikiye. Echi chatela kupwa, mwomwo, kupwa na—kupwa vakusakula.

⁷¹ Chumamuka echi hali vaze vathu vakusakula vaze vali nakulovoka, nge mumakumbi a Nowa. Nge mumakumbi a— a Elija, sauzande mokomoko seveni handulendi, mokomoko kala chapwilenga, chize chahonene kufukama, kuvasanyika valovoke. Yowano kusanyika kusakula, kaha kuhana kuli Kulishitu omwo Ikiye ejile, kutambasana liuka lyenyi, ngwenyi, “Ngwatela kushikumuka, Ikiye atela kukanduka, mwomwo,” ikiye ahanjikile ngwenyi, “Ngunapu kaha lizu lya Ikiye, kuvilika mupambo, ‘kuwahisa jila ya Mwata.’” Kaha Yesu ejile mujila yoyimwe. Kumbata vakusakula kupwa vakulizanga kwivwa lizu lya Kalunga, lize chumamuka chinjikizo cha upolofweto. Mamalelo, kachi enu namukavangiza uze Mujimbu, kulingisa va- . . . vaze vakusakula kulizanga. Keshi vekako, kaveshi kaya nakwivwa echiko. Echi chinapu cha vaze vakusakula kaha vakusanyika.

⁷² Nyi uze Kangelo ejile kulihi, mu Satome, uze alingile chize chinjikizo? Kuli Apalahama na lizavu lyenyi. “Fuma ku Satome; echi chili nakuya naku kuwema!” Talenu? Yesu ashikile echi kuhiluka cheka, munatachikiza, cheka, ha Satome. Jino tachikizenu.

⁷³ Chumamuka chalingikile? Echi cheji kulingisa vakusakula kupwa vakulizanga ha zuvo ya Kalunga, nge mulwola lwa Nowa, navyangocho.

⁷⁴ Kaha chumamuka chalingikile? Echi chejile nakupaisa vakakutanga kupwa vakakuzeneka kufwelela. Echi chili lwolalwosena. Kukana keke, kwauchi chinasaleko shina kusopesa. Shikaho cheji kumbata na—na vakakutanga na vakakuzeneka kufwelela kupwa valizanga kupwa vakusopesa. Mwomwo, chuma muka vakiko valingile? Vakiko veji kupaisanga.

⁷⁵ Ou ukiko mulonga va Yuleya valile nyama yavo. Ou ukiko mulonga manyinga ahichile muze mumbongi omu Titus, uze mukulwane wamunene wa maswalale wa Vakaloma, atambukile nakwiza nakwingila, mwomwo vakiko vanakane Shipilitu Wajila. Kusopesa chatela kwiza mwomwo vakiko vamusehele Chize. Yesu avalwekele vakiko, omwo vakiko vamusanyikile Ikiye kupwa Mbelezembule, nge Ikiye ambile ngwenyi, “Ngunakukonekela,” kutomesa kavachilingile ko, “oloze,” ngwenyi, “omwo Shipilitu Wajila mwakeza nakulinga chuma chochimwe, kuhanjika hali Echi kacheshi kukamukonekelako.” Kaha chize chisemunuino kavachikonekeleko. Echi chakwoloka.

⁷⁶ Kusopesa kuli vakakuzeneka kufwelela! Echi chinapu kulovokela punga, kuhana kumunyika kuli mukakufwelela, kaha milima kuli mukakuzeneka kufwelela. Chochimwe nge Panda ya mulangi wa Kakahya yapwilenga; Yatelele kumunyika, kuzauka kulifuchi lya lushiko, kaha milima kuli vaze kavafweleleko. Vinjikizo vya Kalunga lwola lwosena eji kulinganga ngachize, kuhaka meso a vakakuzeneka kufwelela, kaha kuhana meso na kumunyika ha kutambuka kuli vakakuzeneka kufwelela. Chize chikiko Vamutuminyinyine.

⁷⁷ Kachi upolofweto wenyi unapu muchano, kachi upolofweto wa kapolofweto unapu muchano kaha kwiza nakuhita, kahajino chinapu kuhuhumuna cha Kalunga. Jino mu Jinambala 12:6, etu tunawane chuma chochimwe, chize Chisoneka.

⁷⁸ Eyi Mbimbiliya vayisoneka kuli ava malunga. Jino kachi etu natutanga mu Petulu Wamuchivali 1:21, Chahanjikile, “Muthu wakashinakaji, kutambuka hali Shipilitu Wajila, kusoneka eyi Mbimbiliya.”

⁷⁹ Nawa mu Hepelewu 1:1, kuze etu twahanjikile ufuku ukwavo, “Kalunga, mulwola lwakunyima na mujila jakuhandunuka handunuka kuhanjika kuli vakakuluka kuhichila muli tupolofweto, awa makumbi akumakumishilo kuhichila muli Yesu Kulishitu, Mwa Nenyi.”

⁸⁰ Ize Panda ya mulangi wa Kakahya, chinjikizo; lize lizu... mokomoko lize—lize lizu lyapwile nakuya nakuhanjika. Ize Panda ya mulangi wa Kakahya muze muchiputa, mwapwile lizu lize Kalunga ahanjikile.

⁸¹ Tachikizenu kanawa jino, kanda kujimbalisa echiko. Omu Miliyame asehele ndumbwenyi walunga, Mose, kaha ikiye apwilenga kapolofweto omu ikiye asehele hali ikiye, kaha Kalunga ejile nakusuluka muli ize Panda ya mulangi wa Kakahya, Mose atachikijile nge Kalunga apwile wakulizanga kuhanjika. Chapwilenga chinjikizo. Kaha lize lizu lyakavangijile chize, ngwalyo, “Kanda kwivwa womako Kalunga?” Ngwenyi, “Kakweshi numba umwe muno mulifuchi nge ngamba Yami, Mose.”

⁸² Kulinga vyuma vyovimwe omu vakiko vakatukile kaha vahanjikile ngwavo. . . Omu Ndatane akatukile, kaha omu Kola, vase vakakutoleka ikiye, “Kuze kuli chikuma muthu wakujila kuhambakana enu. Enu mwashinganyeka nge enu munapu umwe kaha muze mumukuta.” Kalunga atongwele Mose kuli uze mulimo!

⁸³ Kaha omu vakiko vatondele kumbata mukuta weka nakuya navo, kulilingisa vavene kupwa chikungulwilo, Ikiye ngwenyi, “Lihandunune ove lyavene kufuma kuli vakiko. Nanguya nakuvapaisa. Nanguvalya kaha,” kaha Ikiye alingile. Aka kaye kavakwachile.

⁸⁴ Jino etu kuwana nge lwolalwosena kupwa jila ya Kalunga. Ize Panda ya mulangi waka Kakahya kwinjikiza lize Lizu lyapwilenga nakuhanjika. Mamalelo, Texas, naupwa kapuputa ngachilihi? Ove hanga wanuka Houston. Jino kuze kuli Lizu kukavangiza chinjikizo.

⁸⁵ Mose, uzechinjikizo cha kapolofweto ku Vaisalele, kushika lize Lizu kupwa wakulizanga kupwa lya kwinjikiza.

⁸⁶ Omu Lizu lya kukupuka lya Kalunga, muchiyulo, lwola lwosena! Chochimwe nge Ulime Tumime, nge omu Ngwahanjikile, ufuku ukwavo. Uze Ulime Tumime wapwile kuze, kaha kuvangila chize chinjikizo chejile hali chize Ulime Tumime, lize lizu vahonene kutachikiza. Kuze kwatela kupwa chinjikizo. Chize chinjikizo kwinhikiza lize lizu. Kaha lize lizu kwinjikiza chize chinjikizo, chize chakufuma kuli Kalunga. Lize lizu lya chinjikizo chikiko chahanjika “eyo” mokomoko “nduma.” Kachi Kalunga akanyine echi, kahajino Lizu nalihanjika “nduma.” Kachi chinjikizo chapwile kuze, Kalunga ahanjikile “eyo.” Chiyulo cha Kalunga kanda lyehi alumuke. Etu tunahase kutwama jiola hali chize, oloze kanda lyehi alumuke.

⁸⁷ Tala, Yona uze kapolofweto, tala hali chize chinjikizo. Ikiye apwilenga mujila yakuya Kutashishi. Aputukile kuya ku Nyinyive, kaha kumbata ize—ize jila yaku Tashishi. Vavavulu vapayishile Yona. Yona katela kumupayisako. Ikiye apwilenga kapolofweto. “Jitambo ja vakakwoloka veji kujitetekela kuli Yehova,” kaha ikiye aputukile kuya mujila yakuya ku Tashishi. Kaha etu tweji kwesekanga kupaisanga muthu, oloze Yesu kahashileko.

⁸⁸ Tachikizenu, Ikiye ambile ngwenyi, “Nge Yona apwilenga mujimo lyaishi, makumbi na maufuku atatu,” chapwilenga chinjikizo, “shikaho mukiko chatela kupwa na Mwana muthu kupwa mukachi ka muchima wamavu, makumbi na maufuku atatu. Kaha chisemunuino chachipi kaha chaujila veji kutondanga chinjikizo, kaha kakweshi kukapwa chinjikizo chakuhana kuli Kalunga ko, anuka, oloze chinjikizo cha Yona.” Chinjikizo muka cha Yona? Chize kusanguka. Kaha echi chikiko

chisemunuino cha Satome, chaujila, ujila wa mushipilitu, ku-...kulinga ujila wamushipilitu kufumbukila Muchano wa Kalunga, kuuseha na Kuusekeleka. “Chisemunuino chachipi kaha chaujila nachiya nakutonda chinjikizo, kaha vakiko navaya nakuyiwana, nachiya nakupwa chinjikizo cha kusanguka.” Tala hali, Yona...

⁸⁹ Vaze vathu vapwilenga vakuzeneka kutachikiza kalunga, kaha chapwile chachinene...Yapwilenga mbongi yavakakusekasana. Jikambanyi jajinene ja vaishi. Vakiko kulanjisa ishi kwosena kumafuchi. Vaze malunga vapwilenga vanduvi. Ize ikiko milimo yavo. Kaha vakiko vapwilenga na vakakuzeneka kumutachikiza kalunga, vakiko valifukwilenga tunyama na makombelo, kaha vejile bakupwa vavapi.

⁹⁰ Nge eli lifuchi jino, lyakuzala na usunda kaha Hollywood, na miyachi yosena, kwingila mumauka. Kaha talisenu chumamuka chasolokele. Mwomwoika, lwolalumwe numba kupwa nakwivwa usunda muliuka vavuluka kupwa lyakutona. Omu eli lifuchi kwimana mwishi ya vyuma nge ngachize? Kulivuluka kupwa Vakakulishitu, kaha kulinga vyuma kana nge ngachize, nachiya nakwimana ngachilihi?

⁹¹ Nge masepa jami vamwaza, Jack Moore, ngwenyi, myaka yakunyima, “Kachi Kalunga mwecha lino lifuchi kupwa na echi, Ikiye mwaya nakupwa wakukashiwa, nge Kalunga, kukatuka kufuma mu Satome na Ngomola, na kulikonekela kuli vakiko ha kuvocha.”

⁹² Ove unapu wakukashiwa kupwa wakusopesa. Kuze kakweshi jila yeka yakwitavila echi. Visoneka Mujimbimbiliya jenu. Ngunakupwa jino lunga wakashinakaji. Mwamono kachi kaveshi kuchisopesako. Kachi Nanguyoya kuyoya chivene, Nanguya nakumona echi, Lwola lwambwende. Myaka yikwavo yayindende nayikalumuna echi.

⁹³ Yona. Vakiko vapwilenga nakuta ishi, pamo namusana, kaha nomu kalunga wakalungalwiji, kukanduka, ishi wamunene, kulahila kungenge kaha kusaza kapolofweto kungenge. Chinjikizo kana!

⁹⁴ Kalunga amusokwele kapolofweto Kenyi, apwile na mujimbu. Jino vakiko vamwene chinjikizo, vakiko vafwelela chinjikizo, jino mujimbu uka? “Pihililenu nakwalumuka!” Omu mukiko lizu lya chinjikizo. Lizu lya chinjikizo lyapwile, “Pihilila nakwalumuka, mokomoko mukachi ka myaka makumi awana namuya nakunonga.” Vakiko vatachikijile mwakwalumuka nakupihilila.

⁹⁵ Yesu ambile ngwenyi, “Vakiko navaya nakupaisa chino chisemunuino, mwomwo vakiko valumukile nakupihilila ha kunangula cha Yona; wamunene kuhambakana Yona ali hano.”

⁹⁶ Lize lizu ngwalyo, “Pihilila nakwalumuka, mokomoko mumakumbi makumi awana enu namuya nakunonga.”

⁹⁷ Yowano kapolofweto, kusoloka, chinjikizo cha kapolofweto kusoloka, hanyima ya myaka fwo handulendi na kapolofweto. Vakiko vapwilenga na vakakutanga vosena. majilo muka vakiko vapwilenga nawo! Myaka fwo handulendi, kwauchi kapolofweto, oloze lwola lwapandamine kulinuze Meshiya apwilenga nakwiza. Jino, Yowano apwilenga chinjikizo, kupwa kapolofweto, nge Meshiya apwile wakulizanga kuhanjika, lizu lya chinjikizo; mwomwo, mu Malaki 3, etu tunawane, “Nanguya nakutuma muluwa Wami kumeso Ami.” Elija apwilenga nakwiza kumeso a meso Eyi, kaha Elija ejile. Yowano, mu shipilitu na ngolo ja Elija, kwiza na kulinga vene Visoneka kulingika, kaha vakiko kavavevwushishileko. Chisoneka chahanjika ngocho. Ikiye apwilenga chinjikizo, kapolofweto chinjikizo, nge Meshiya apwilenga nakuya nakuhanjika.

⁹⁸ Uze kapolofweto, kutachikiza nge chamwaza, palanga ikiye ngwenyi, “Mwomwoika, kuli Umwe nemana mukachi kenu, hano vene. Uze Meshiya uze Ngulinakuhanjika, ali mukachi kenu. Kangweshi wakutela kukasununa jisapato Yenyi. Ikiye napu Umwe uze mwakaya nakujimika na Shipilitu Wajila na Kakahya. Nguli nakujimika na meya, kupihilila nakwalumuka, oloze Ikiye mwaya nakupwa hanyima yami. Ikiye ali mukachi kenu jino.”

⁹⁹ Likumbi limwe ikiye amwene mukweze Walunga kwiza, kutambuka nakushikumuka. Ikiye amwene ize Panda ya mulangi wa Kakahya, muchifwanyisa cha Katela, kwiza nakushikumuka kufuma Mwilu; Lizu, kuhanjika, “Ou ikiye Mwa Nami walunga ngwazanga, muli Ikiye mukiko Ngwevwila Yami kuwaha kutwamamo.” Kuhanjika, “Muli ikiye mukiko Ngwatwama,” echi chili kala hanjikiso shimbu kanda kuhanjika, shikaho kupwa mwomumwe. “Muli Ikiye mukiko Ngwatwama,” mokomoko, “muli Ikiye mukiko Ngwevwila kuwaha kutama,” chihandwa chauchi. Talisenu, “Ngwevwila kuwaha kutwama muli Ikiye.”

¹⁰⁰ Yowano ambile ngwenyi, “Ngunaujiho wa Ikiye angulwekele muze mupambo,” keshi yakushikolako, “muze mupambo, ngwenyi, ‘Hali Wosena ove naukaya nakumona Shipilitu kushikumuka, kaha kutwama halinikiye,’ amena, ‘Ikiye napu Umwe uze mwakaya nakujimika na Shipilitu Wajila na Kakahya.’ Kaha Ngukwechi unjiho nge unapu Muchano.”

¹⁰¹ Chuma muka echi? Uze kapolofweto apwilenga chinjikizo nge Meshiya apwile wakulizanga kuhanjika.

¹⁰² Meshiya apwilenga Meshiya? Uze Meshiya apwilenga lize Lizu, mukuzalilila. Ikiye apwilenga kuzalilila cha Kalunga. Vaze tupolofweto vapwilenga chindende kutemwina cha Malayiti. Oloze muli Ikiye mwapwilenga chize Kumunyika chosena, apwilenga Meshiya, mwomwo Ikiye apwilenga kusoloka

cha Kalunga, atangile Emanuwele, Kalunga mukachi ketu mumusonyi.

¹⁰³ Meshiya apwile wakulizanga kuhanjika. Kaha talisenu, eyi Mbimbiliya ngwayo, chize, “Eli Lizu lya Mwata lyejile kuli kapolofweto.”

¹⁰⁴ Jino hano emanyine Yowano, nge Yesu ambile ngwenyi “uze kapolofweto wamunene ayoyele.” Yesu ahanjikile ngocho, Matewu kapetulu 11, “Mwalovokele ngweni mukatale ika, muthu wakunyikisa na kala peho, *echi* chikungulwilo ngwacho, ‘Nanguya nakukuhana chize chikuma; ove linga *echi*’? Keshi Yowanoko! Nduma, nduma. Muthu uze vanahase kushinjika, kuvwisa woma? Nduma ikiye apwilenga wakulimanyina, kapolofweto wakufukuluka. Mwayile mangana mukamone muthu uze apwilenga wakuvwala kanawa na uvwalo waupilishitu?” Kaha Ikiye ambile ngwenyi, “Nduma, vakiko vatwama mwawangana musinganda. Vakiko kumbata vakweze, kusweswenya vakemba, kaha kufunda tushinakaji. Uze ukiko muyachi kana. Vakiko vanahono kutachikiza chuma ha Poko yauvela kuvali. Shikaho chuma muka ove muya nakulovoka kumona, kapolofweto?” Ikiye ngwenyi, “Kuhambakana kapolofweto!” Mukikovene, ikiye apwilenga muluwa wa Lushiko, apwilenga vashikile kuli Kalunga kumutuma.

¹⁰⁵ Kaha talisenu hano, Yowano emanyine mume ya, kujimika, kuhanjika, “Ikiye ali nakwiza.”

¹⁰⁶ Kaha hano hakiko hali Lizu, keshi cheka Mwiluko, oloze alilingishile kupwa musonyi. Eli Lizu linapu musonyi, chuma muka nachisoloka jino? Chiyulo cha Chisoneka cha Kalunga? Lize Lizu lyejile kuli kapolofweto, muze mupambo, muze vene muchijiva. Lize Lizu lyejile kuli kapolofweto.

¹⁰⁷ Yowano atalile kwilu, kaha ikiye ngwenyi, “Ngwatela kumujimika Ove.”

¹⁰⁸ Kaha ndumbwami wamwaza, ndumbu walunga wamwaka, Ndotolo Davis, liuka lya Mishonali Mbaputishiti, uze angujimikile mu lufwelelo lwa Vakakulishitu, kachi ikiye ali hano ufukuuno, Kangwatwalile nge kumikolesa kwivwa chenuko. Mwomwo, ikiye ayoya hano mu Texas, nafumu kuno kufuma ku Jipili Davis. Oloze Ngunanuka kulipika hali lize likumbi limwe, kaha Nguli kaha kanyike walunga. Kaha Ngwambile ngwami, “Echi kacheshi nakwivwakana kanawako, Ndotolo Davis.”

¹⁰⁹ Ikiye ngwenyi, “Chuma muka chasolokele, nge kahajino Yesu ajimikile Yowano, kaha jino Yowano ajimikile Yesu, mwomwo Yowano tele kanda ajimike.” Kachasolokele kupwa chakwoloka kuli yamiko.

¹¹⁰ Ngwatwalileho kuvandamina, kutala, kushinganyeka. Kangweshi kuhanjika chuma chimwe hali echiko, oloze likumbi limwe omwo Mwata alisolwele echi.

111 Jino tala omwo ahanjikile Yesu. Yowano ngwenyi, “Ngwatela kumujimika Ove, kaha mwomwoika Ove uli nakwiza kuli yami?”

112 Yesu ambile ngwenyi, “Echa chipwenga ngocho, mwomwo chili nakwiza kuli etu kuzalisa kwoloka chosena.”

113 Yowano atachikijile Hiya Ikiye apwilenga. Kuli vatwamina vavali va mukaye, vatwamina vavali va liuka, Kalunga na kapolofweto Kenyi, kwimana hamwe. Jino, tala, vakiko vatela kutachikiza.

114 Yesu ambile ngwenyi, “Echa chipwenga ngachize, chize chakwoloka, oloze echi chili nakwiza kuli etu nge etu kuzalisa kwoloka chosena, eli Lizu Iya lushiko.”

115 Uze Mulambu atela kupwa wakukosa shimbu kanda vachisolwele. Yowano ajimikile Yesu mwomwo Ikiye apwilenga Mulambu. Talenu? Uze mulambu vatela kuukosa shimbu kanda vauhane. Kutambuka mwakwoloka kuze, kaha uze Mulambu wapwile wakukosa, kaha jino Ikiye vamuhanyine mwakwoloka. Ikiye ambile ngwenyi, “Uze ikiye mwana Mukoko wa Kalunga.”

116 Ikiye ayile mwakwoloka kuze kungenge, kaha hano nakwiza mu Shipilitu ya Kalunga kwiza nakupwa hali Ikiye, ambile ngwenyi, “Ou Ikiye Mwa Nami ngwazanga.” Talenu, Ikiye apwilenga wakuhana jino kuli vathu kuvula. Oloze shimbu kanda Mulambu vanahase kuusolola, chatela kupwa wakukosa chatete; luze lunapu lushimbi Iwa Tesitamende Yamwaka. Chosena chakwoloka.

117 Meshiya apwile wakulizanga kuhanjika, mwomwo hano hakiko hali chinjikizo cha kapolofweto. Kaha omwo vakiko vamwene uze kapolofweto kwiza nakusoloka, hanyima ya myaka yosena fwo handulendi chakuzeneka umwe, vakiko vatachikijile, lizu likwavo lyapwile Meshiya.

118 Jino enu vakakutanga eyi Mbimbiliya mwashinganyeka kupwa chachikalulu ha minyutu yayindende. Kutala ha chisemwa, omu vamuujimbalishile ikiye? Vakiko vajimbalishile ngachilihi kuhona kumona ikiye, Yowano? Chisemwa chenyi vachisolwele, shipilitu yenyi na chisemwa chapwilenga kusoloka kupwa Elija. Jino talisenu chuma muka shipilitu. Jino, ikiye apwilenga Yowano Mukakujimika, oloze shipilitu ya Elija uze apwilenga hali ikiye.

119 Tachikizenu, chatete, Elija apwilenga muthu uze azangile mupambo. Talenu? Kaha Yowano apwilenga muthu muze mupambo.

120 Kaha Elija uze apwilenga wakupaishiwa ize zachiso ya vikungulwilo, yalize likumbi, na vyosena ikiye apwilenga. Shikaho mukiko alingile Yowano, “Enu chisemunuino cha manoka. Hiya nakuhuhumuna ove kuchina kufuma kuutenu? Kanda ove muputuka kuhanjika, ‘Ngukwecchi echi, chize, mokomoko chize *chikwavo*.’ Kalunga ali wakutela kufumisa kuli

awa malolwa kukatula vana va Apalahama.” Talenu chisemwa vivali?

¹²¹ Kaha tala kuli Elija, ikiye kuvapaisa vosena muli vakiko vase va Yezevele vakulikwita ulombo kumeso valikumbi lyenyi, vase mapwevo vakuhona kulilemesa. Chumamuka Yowano alingile? Chuma chochimwe, kuli va Helote. Vosena vavali, vapwilenga mwomwo ya kufwa.

¹²² Tala hali Elija, hanyima ikiye alingile mulimo waunene, ikiye kupwa museteko yimwe kaha kumulombelela hali Kalunga kumbata ikiye. Yowano kulinga mwomumwe, kupwa kuze kaha kutuma tumbaji twenyi kuze, ngwenyi, “Yako umulombo Ikiye. Uze Ikiye Umwe mokomoko etu twatale hali mukwavo?” Yesu atachikijile chize.

¹²³ Ikiye apwilenga Elija. Uze atelele kupwa chisemwa chenyi. Ikiye apwilenga wakwinjikiza vene nge omu apwilenga Elija. Ikiye apwilenga mu shipilitu ya Elija.

¹²⁴ Chili nakwiza kapapa katanu, ize shipilitu ili, kupwa yapwilenga: Elija, Elisha, Yowano, Malaki 4, kaha jino hali va Yuleya. Makumbi akumakumishilo, etu tuli muli ufukuuno, eyi shipilitu ya Elija. Tachikizenu jino.

¹²⁵ Lelo, Ngwatondo enu kutala ha kutona cha tupolofweto ja Ahave lelo, kwecha va Yezevele kuteula jikambu javo, kufunda meso avo, kuvwala jiputula, kunwa makanya, kalachuma, “Echi chili chakwoloka.” Tupolofweto vethu—vethu Ahave valelo, kuya nge mwaya mashikola avo, punduvene, kuvatwaminyina nakujinguluka ha jishimbi ja kutunga kuvathu na vikungulwilo. Chuma muka echi? Ahave tupolofweto.

¹²⁶ Etu twatondo Micaiah weka kukatuka nakwiza. Mokomoko mulwola lwa Ahave, Elija ejile nakusoloka. Uze ikiye, ashikile.

¹²⁷ Kuvatwaminyina nakujinguluka, kala jila vakiko vanatondo kuya. Kachi vakiko kaveshi nakumiyanjisa vakiko hano kumwe, vakiko kuya nakuhita nakulinunga na *echi* na kupwa na vavo—vavo—vavo Vakakulishitu vakulilongesa.

¹²⁸ Chamwaza, vakiko kavalwilileko, hakuputukako. Chisemwa chavo vavene kwinjikiza echi. Enu munahase kupwa na jipawa kufuma mutondo wamambimbo? Enu munahase kufumisa mahapwa kufuma mumapungu? Chize vene chisemwa chinasoloka nge vakiko vanatondo kulinga na Lizu. Vakiko veji kumusekeleka Echi, na kusaula Echi. Omwo echi vachisoneka, “MUKIKO MWANAMBE MWATA, vyuma evi vili nakusoloka,” kaha vakiko kuseha hali Echi, kusekeleka Chize.

¹²⁹ Shikangaho Yesu ambile ngwenyi, “Uze mwangana wapwevo wa Kukuto mwakatuka na chino chisemunuino, mumakumbi akumakumishilo, kaha kupaisa; mwomwo ikiye ejile nakufuma kusongo ya mavu, kumona lunga na wana wa mangana.” Ikiye ambile ngwenyi, “Wamunene kuhambakana

Solomone ali hano.” Punduvene. Solomone apwilenga, likumbi lyenyi, apwile likumbi limwe mumakumbi amanene. Vathu vosena vafwelelele ou wana uze Kalunga avahanyine, uze Solomone, kaha puho yenyi—yenyi kuya nakuhita kwosena. Ngachilihi etu vathu valikumbi eli. . .

¹³⁰ Kaha etu vaka America, etu tuli lwola lwosena kweseka kuwana kwala chimwe hali communism. *Hano* hakiko hali kwala cha Kalunga, “Pihililenu nakwalumuka! Alumukilenu kuli Kalunga!” Kwala chimwe? Kachi vakiko vanahse kulinga Ngachize, etu kupwa na kuvulyama kulikata.

¹³¹ Omwo va Isalele vosena vafwelelele uze wana uze Kalunga avahanyine. Kachi America mwaya kaha nakuhana. . . kufwelela wana uze Kalunga natuhane etu, makumbi akumakumishilo, Mwa Nenyi, muchifwanyisa cha Shipilitu Wajila, asangukile kufuma kuvafu, kuyoyela mukachi ketu kutesekesa na lushiko Lwenyi. Kachi etu natuhasa kaha kuwahilila Chize!

¹³² Echi nachiya kaha ku Kusakula. “Mwomwo naumwe muthu mweza kuli Yami kuvangila Tata Yami namukoko ikiye. Kaha Tata wosena nanguhane Yami, vakiko navaya nakwiza.” Kupwa kaha kutumba mbuto; kuholokela, mujila jojimwe *eyi* jila kaha ize jila, oloze kuze kuli kutumba mbuto, kala mwosena. Nachiya nakuvatula miji mukala mwosena omwo. Vakiko kukwata chize.

¹³³ Tachikizenu, hano vakiko vapwile, kaha etu tunawane nge mulikumbi lize, Ahave, lifuchi likwechi vakiko va Isalele kulinga kala chuma vakiko vanatondo kulinga, kaha hanga valivuluka kupwa va Isalele.

¹³⁴ Omu Elija kupaisa chize chisemunuino, na vyosena vize vyapwilenga muli ikiye, kaha Kalunga kwinjikiza ikiye. Kaha ikiye apwilenga kapolofweto.

¹³⁵ Shimbu kanda kwiza, shikaho mukiko alingile Yowano! Kutambuka kuya vene muze mu Isalele. . . Kupwa nakumbata uze pwevo na—na kupwa Hero—. . . Herod, pwevo lya ndumbwenyi Fwilipu. Kutambuka nakwiza kumeso eyi; ikiye kakokele jifwanyijiko. Ikiye apwilenga nawoma wa vakulwane waliuka mwakaya nakumutumbika. Ikiye ambachile numba kati ya kulikatako; shina kaha na Kalunga. Ikiye apwilenga kapolofweto Kenyi. Eli Lizu lyapwilenga na ikiye. Ikiye katelele kuya nakuhula kala mbishopu mokomoko vakakuzata muliuka. Ikiye apwile wakuwavisa. Ikiye apwilenga na Lizu. Ikiye kutambuka nakuya kumeso eyi, kaha ambile ngwenyi, “Keshi chakwolokako ove kupwa nenyi!” Chakwoloka. Ikiye kakokele jifwanyijiko, kuli kala muthu.

Vakiko mapwevo vavapi kulinga ujila, kutwalilaho!

¹³⁶ Nge Amose, omwo ikiye ejile nakusoloka, kutala kuze. Etu tunahono kutachikiza okwo ikiye ejile nakufuma. Yami, omu ikiye atalile hali ize mbongi ya Samaliya! Nge omu valingile

ma tourists, chize kuwaha chosena, kaha vakakunangula mukwoloka na—na mafuchi, kaha vase league na mafuchi na kalamuthu, kaha hanga kuyoyela mu shili! Meso eyi kukehesamo na mutwe walyaja kuvwekuma, kaha kupwa nge ikiye kwiza nakushikumuka. Ikiye kalingile... kapwilenga chikuma wakutalako, oloze ikiye apwilenga na MUKIKO MWANAMBE MWATA.

¹³⁷ Etu twatondo Amos halikumbi lino lelo. Etu natumu tambula ikiye? Punduvane keshiko, keshi chikumako nge muze ikiye alingile. Ikiye kuya nakwiza nakupwa hano, ikiye kupwa kala chikungulwilo, kala chikungulwilo, kala pwevo wakuvwala vyavihi, kala Yezevele wakuteula kambu. Ikiye kupwa kuvapula muvihandavihanda. Vakiko kuveta ikiye nakumuhanga mujila, kaha kuhanjika, “Uze chileya wamwaka!” Oloze ikiye kuya nakupwa na MUKIKO MWANAMBE MWATA, mwomwo vanachisoneka mujila kana. Chize chikungulwilo kumutambula ikiye? Nduma.

¹³⁸ Ikiye kapwilenga nakala muthuko mbwembwa wa chize kwala. Kumana chize kupwa chachinene, kupwa na mbongi yamwaza ya—ya lwisio, nge omu yapwilenga Samaliya, vakiko vanahase kumutambula uze wamundende wakuhona kutachikijiwa na kala kati ya kulikata, kalamuthu uze mbwembwa kuli ikiye, mokomoko kalchuma? Ikiye kapwilenga nakala mbwembwako. Ikiye kapwilenga nakala kati yakulikta, chipwe shikola ikiye afuminyine. Oloze ikiye apwile MUKIKO MWANAMBE MWATA. Kaha kwiza chenye, nge kapolofweto, apwilenga chinjikizo. Lizu lyenyi lyafumine kuli Kalunga, kaha kupwa nakwinjikijiwa mumakumbi a Jerobaom Wamuchivali. Kalachuma ikiye ahanjikile nge nachikeza nakuhita.

¹³⁹ Jino etu tunawane, likumbi lino nge etu tuli nakuyoyelamo, echi chili kaha nakuhilukilaho cheka hali chize cheka. Vakaakuzata na vathu, kwivwa sonyi kwimana muze mukamenga, kaha na—na Mujimbu wamwaza kwiza nakupwa nachitupa cha kulila kuli vakiko. Vakiko vapwilenga nawoma wa kuhanjika kalachuma, vathu vamwe kupwa nakuya nakuhaka muli vakiko kulovoka na *echi*, *chize*, mokomoko na *chikwavo*.

¹⁴⁰ Kuze kuli kaha Muthu umwe nahase kukufumisa Mwilu, kuvangila Kalunga. Kaha nauya ngachilihi nakulovoka Mwilu, kutwama na Lizu Lyenyi? Muze mukiko Ikiye akutumine.

¹⁴¹ Anuka, eyi Mbimbiliya ngwayo, mulwola kana nge omu chapwile mumakumbi a Elija, mu likumbi kana nge omu chapwile mumakumbi a Yowano, nge Malaki 4 mwakaya nakukinduluka hamavu cheka. “Nanguya nakutuma Elija.”

¹⁴² Jino kanda kupwa wakufutula jino na Malaki 3, “Ngunatumu muluwa Wami kumeso Ami.” Uze apwilenga Elija, nawa.

¹⁴³ Oloze mu Malaki 4, Ikiye ngwenyi, “Shimbu kanda Likumbi lyalinene lyakwivwisa woma lya Mwata mwakeza, omu hamavu hosena nahakaya nakuwema nge lilungu lya kakahya, kaha vakakwoloka navakaya nakutambuka hauto wa vakakuhuka,” ize ikiko Likombakaji, “Nanguya nakutuma Elija kapolofweto.” Kaha chuma muka ikiye mwalinga? “Ikiye mwakaya nakutungulula lufwelelo lwa vana kukinduluka kuli masevo,” kukinduluka ku Lizu. Ikiye atela kupwa kapolofweto. “Nanguya nakumutuma.” Ikiye mwaya nakupwa wakusoloka kanawa. Chisemwa chenyi nachiya nakupwa chochimwe nge Elija apwilenga, mukikovene. Mujimbu Wenyi naukaya nakupwa mumukana. Ikiye mwaya nakupaisa, kupula nakushikumuka. Kwauchi kulikata, kwauchi kuzachila hamwe, oloze ikiye mwaya nakupwa na MUKIKO MWANAMBE MWATA.

¹⁴⁴ Jino, anuka, kunapunga mazavu osena kwimana nakuhanjika, “*Echi* chikiko chikuto cha Elija, kaha *echi* chinapu kunangula cha Elija.” Lize lizavu lyosena, chikungulwilo, kwalumuka mu lizavu lya Elija, mokomoko chikuto cha Elija. Chize kacheshi Chisoneka ko. Kalunga kanda lyehi azate na lizavu nge ngachize.

¹⁴⁵ Omu Elija ejile nakusoloka, kaha Yowano Mukakujimika vathu, vosena vavali kupaisa mazavu na vikungulwilo. Vakiko kavalingile ko. Ikiye avapaisa, mujila vakiko valingile; Elija na Yowano, vosena vavali. Keshi lizavu mokomoko chikungulwilo. Oloze vosena vavali, mulwola luvali, kupaisa aze mazavu na vikungulwilo.

¹⁴⁶ Chumamuka jino? Chize chinjikizo chamakumishilo kuya nakupwa vene nakupwa hamwe na Lizu lya makumishilo. Elija atelele kwiza nakusoloka, muthu wakuwavisa na shipilitu; uze muthu wamitondo, kaha navyangocho, kaha wakuzanga chize, kaha kwiza nakupwa nakusoloka nakwinjikiza. Jino tala chumamuka chize Chisoneka chahanjika jino, kaha jino enu kamweshi nakupwa vakuhungumwisa, talenu, chinjikizo cha lwola lwamakumishilo na Lizu lya makumishilo.

¹⁴⁷ Kalunga kanda lyehi azate na lizavu, kumwe mu Chisoneka. Ikiye eji kuzatanga na muthu umwe, mwomwo muthu wosena napu wakuhandunuka kufuma kusali ikwavo. Kala muthu, minwe yetu yapwa yakuhandunuka, mazulu etu apwa akuhandunuka, vilinga vyetu vapwa vyakuhandunuka. Ikiye kumbata muthu umwe, Ikiye nahase kumbata ikiye mwakukupuka mwamwaza palanga ikiye kwiza nakupwa Lizu.

¹⁴⁸ Ou ukiko mulonga Paulu, ikiye ambile ngwenyi, “Kuvangila Navanguzezula helu lya kuvula cha Kusoloka, vanguhanyine muluwa wa Satana.” Talenu? Matewu asonekele, Luka kusoneka, Makosoneka, vosena, oloze, vakiko vakavangijile Yesu na kusoneka chuma muka Ikiye ahanjikile. Oloze Paulu apwile

na kusoloka cha Hiya Ikiye apwilenga, talenu, chize chikiko chuma ikiye—ikiye amwene. Kusoloka chenye chapwilenga chachinene, Ikiye echa ikiye kusoneka eyi Mbimbiliya, nge Mose wa Tesitamende Yamwaka. Uze lunga wamunene, Paulu, nge kusoloka ikiye apwilenga nacho, ikiye atachikijile nge Yesu wa Tesitamende Yayihya apwile Yehova wa Mwaka. Ikiye apwilenga na kusoloka cha Echi, kaha chinahase kuhaka ku Hepelewu, ku... kaha nawa ku—ku Loma, kaha ku Efwesu, na—na vyosena. Ikiye—ikiye asonekele awa mikanda. Tachikizenu, hanyima ya chinjikizo Chenyi chaile, kahajino ikiye asonekele mikanda.

¹⁴⁹ Echi chisemwa cha kwiza nakupwa chochimwe. Kacheshi kupwa lizavuko. Nachiya nakupwa muthu umwe. Kalunga kanda azate na kala muthu mukala jila oloze na muthu umwe. Jino, Elija kapwilenga lizavuko, Yowano uze Mukakujimika vathu kapwilenga lizavuko, vakiko vapwilenga umwe hakapanji. Kalunga, Malaki 4, kahanjikile ngwenyi, “Nanguya nakutuma lizavu.” Ambile ngwenyi, “Nanguya nakutuma Elija!” Eli Lizu kalyeshi kuhasa kwalumukako.

¹⁵⁰ Jino, tala, chinjikizo cha makumishilo na Lizu navaya nakwiza mu Chisoneka chiyulo nge omu vachishikile.

¹⁵¹ Etu twatondo kutachikiza chuma muka nachiya nakupwa chinjikizo cha makumishilo? Yesu atulwekele, mu Mateu 24 na 25. Atulwekele etu, nawa, mu Kusoloka, kufuma kwosena kufuma ku 6... mokomoko 1, mbwe naku, chamwaza, kapetulu 10. Kahajino Ikiye ejile mu kapetulu 19, mu Likombakaji kutwama ha kwiza Chenyi, kutambuka hali chimbulu utoma.

¹⁵² Nachiya nakwiza, chinjikizo cha makumishilo, jino ivwulilenu, mukusoka, nachiya nakwiza vene mujila Chisoneka chahanjika. Jino tachikizenu Lizu lya chinjikizo.

¹⁵³ Jino, Yesu, mu Luka 17:30, ashikile chinjikizo cha lwola lwamakumishilo. Chize chinjikizo chamakumishilo, chapwile Kalunga kusoloka mumujimba wa muthu uze nahase kutumbununa vishinganyeka vyapwilenga muvishinganyeka vya Sala, mu mbalaka kunyima yenyi. Omu mukiko Ikiye ahanjikile. Chize chikiko chinjikizo chize Ikiye ashikile kumakumishilo. Ju-... Chuma muka Ikiye ahanjikile nachiya nakulinga? “Navakachitachikiza kumakumbi, makumbi akumakumishilo, omwo Mwana muthu navakamusolola.” Kupwa nakusoloka! Omwo Mwana muthu navakamusolola, chize nachiya nakupwa chinjikizo Ikiye mwakaya nakulisolola nacho. Jino talenu kachi Chize kacheshi kuhanjika chizeko. Punduvane mukiko chili.

¹⁵⁴ Jino munahase kuhanjika, chize, “Nduma, nachiya nakupwa chumachimwe cheka. Nduma, nachiya nakupwa nakutunga kutunga chachinene, *echi* chachanene, mokomoko *echi*, mokomoko chumachimwe chachinene kasulu yayinene,

mokomoko vimwe”? Mamalelo, nduma. Nduma, eyi ikiko jila yinafumu lyehi. Echi chili kusali ikwavo. Echi chili chakulimbalaka na vize Kalunga ahanjikile kulinga, Ikiye mwaya nakulinga.

155 Talisenu chumamuka etu twahanjika jino. Evi visoneka naviya nakupwa vene ngemuze vyapwa, mwomwo etu tukwechi chinjikizo cha Satome, nge mumujimba. Omu apwile chikuma kulikahukila malunga namalunga, kuchongonona na vyuma, nge omu chili jino, “vavapi na chisemunuino chaujila,” omu enukamweshi kusokolola chisaji chamivwimbimbi kuvangila kuli vyamajilo, vyaungwengwe vya mu Hollywood? Kaha vathu, kulivuluka vavene kupwa Vakakulishitu, navaya nakutwama hembo kufuma kukuliwana cha kulomba kumona chuma kana. Echi chinasoloka nge shipilitu ili muli enu. Chakwoloka. Kaha uze pwevo mwaya nakuvwala nge vase, kaha vase malunga kuvatetekela vakiko nakujinguluka nge vakiko kulinga ngachize. Etu tuli nakuya nakupwa chitalilo cha Hollywood, mokomoko etu natuya nakufwelela Lizu lya Kalunga hali echi?

156 Lize lizavu lyolimwe vanahase kumona eli Lizu lya Kalunga lya kwinjikiza, kaha vakiko valingile ika? Kuseha hali Chize. Mwomwo, vakiko vanapu vakufwa, vakufwa Hayamyaka. Vakiko kavayoyako. Kachi vakiko vapwile vavatonyi, vakiko lwola lwosena vali vavatonyi, Hayamyaka. Oloze vakiko kanda lyehi vapwenga vavatonyi. Vakiko vapwile lwola lwosena vakufwa. Mamalelo, vakiko vanahase kupwa vakuwahisa, kaha kufwelela *echi*, *chize*, mokomoko *chikwavo*.

157 Yesu ngwenyi, “Enu vakakulyonga,” kuli vakiko, kuli vase tupilishitu muli lize likumbi. “Nauya ngachilihi nakuhanjika vyamwaza, nge kufuma mukulumbama cha mumuchima vikiko nauhanjika? Kungusanyika Yami kupwa wamwaza, ‘Lapi Wamwaza, Mukakunangula wamwaza?’” Ikiye atachikijile chuma muka chapwile mukachi ka muchima. Ikiye atachikijile chuma muka chapwile mumuchima wavo. Ikiye apwilenga lize Lizu.

158 Eyi Mbimbiliya ngwayo, “Eli Lizu lya Kalunga linapu lyakuvambuka kuhambakana poko yauvela kuvali, kaha kutumbununa vishinganyeka vili mumuchima.”

159 Jino, chize chinjikizo cha Satome chinakinduluka, muchisemwa. Kaha kachi kalachuma kutwama hazevene muchihela mujila yatelanga kupwa mumujimba, jino nauya ngachilihi nakujimbalisa chize, kufuma muwongo wove, chize chinapu cha kushipilitu keshi hano lwola lwolumweko? Kupwa hamwe hakusoloka. Yaa, kalamuthu kwitavila, tengeso yakwoloka; oloze, mamalelo, mushipilitu, vakiko kavazangile kufwelela echiko, mwomwo Chize cheji kuhonesa kunangula chavo.

¹⁶⁰ Luka 17 napu chinjikizo. Luka 17 chikiko chinjikizo chize Yesu ambile ngwenyi, chize, mumakumbi akumakumishilo, mafuchi na mauka na vathu navaya nakupwa nge muze chapwilenga mu Satome, kaye ka Vakamafuchi eka na eka, shimbu kanda kuwema cha Satome. Kaha nakuya nakupwa lizavu, kutala, nge Apalahama. Yako kunyima, omwo Yesu ambile ngwenyi, “nge muze chapwile mumakumbi a Satome,” yako kunyima na kumona chuma muka chapwilenga mu Satome. Ikiye atangile Mbimbiliya yoyimwe etu tunatange, Mbimbiliya yoyimwe, jino yako kunyima na kutala chuma muka chapwilenga.

¹⁶¹ Hano hapwilenga lizavu lya kusakula, vakusanyika, lizavu lya Apalahama, vakiko vapwilenga nakutala hali mwana walushiko. Vaze Vakasotome kavafwelela chumachimweko. Kaha kuze vapwilenga vasalusalu, uze membala waliuka muze mu Satoma. Tala hali vaze Vangelo vatatu kwiza kuli umwe wavo, tala vinjikizo vakiko kusolola, kahajino enu namuya nakumona vinjikizo etu tuli nakuyoyelamo.

¹⁶² Jino, chize nachiya nakupwa chinjikizo. Kaha lizu lya chinjikizo nachiya nakupwa Malaki 4, “kutungulula vathu kukinduluka ku Lufwelelo lwa chipositolo lwa masevo.” Kuli chinjikizo, kuli Lizu, kutesekesa na Chisoneka. Talenu? Chize chinjikizo chinapu chinjikizo chapwilenga mu Satome, Kalunga alisolwele muli muthu.

Kaha Ikiye ngwenyi, “Pwevo lyove ali kulihi, Sala?”

Ngwenyi, “Ikiye ali mu mbalaka, kunyima Yove.”

¹⁶³ Ambile ngwenyi, “Nguli nakuya nakukutambukila kutesekesa na lwola luze Nangukushika ove.” Kaha Ikiye ambile ngwenyi...

¹⁶⁴ Kaha Sala, kunyima, kunyima ya Ikiye, ngwenyi, “Nachipwa ngachilihi, yami pwevo wakashinakaji, ikiye kashinakaji? Kaha nge lunga lyami kuze, kashinakaji walunga,” ngwenyi, “etu katweshi chumako nge ngachize na etu.” Ngwenyi, “Echi kacheshi kuhasako.”

¹⁶⁵ Ikiye ambile ngwenyi, “Mwomwoika Sala akakasanyine chize, kuhanjika mumuchima wenyi, ‘Nachipwa ngachilihi?’”

¹⁶⁶ Kaha Yesu ambile ngwenyi chize nachiya nakukinduluka cheka. Jino, anuka, Apalahama asanyikile uze Muthu, “Elohim,” Kalunga. Kalunga Ikiye atelele kupwa. Mwomwoika? Ikiye nahase kutumbununa vishinganyeka, kaha Ikiye apwilenga vene halwola. Kaha Elohim, uze Shipilitu Wajila, (keshi muthu wekako) Muthu youmwe kukinduluka muliuka na kulinga chuma chochimwe, chize nachiya nakupwa chinjikizo. Kaha Lizu naliya nakupwa, “Kuvasanyika cheka ku Lizu, kutungulula Lufwelelo lwa vana kuli masevo.” Kuli chinjikizo na Lizu.

¹⁶⁷ Vinjikizo kakavulu veji kuvitavila, oloze Lizu nduma. Vakiko kavazanga Lizuko, oloze vakiko navambata chinjikizo. Kakavulu, vakiko navaya nakumbata echi. Vakiko nge chinjikizo, mwomwo vakiko vanatondo kutala hali chize, kuvanyisa vakiko. Oloze, lize Lizu, vakiko kavatondele ku—kulinga chize. Anuka jino lize Lizu.

¹⁶⁸ Fukununenu ku Lizu cheka. Yesu chinjikizo cha Meshiya, kutesekesa na Isaya 35, “Vaze vakakumbilikita kutumbuka nge kapaji,” kaha vyosena evi.

¹⁶⁹ “Chize chapwile chamwaza!” Mamalelo, vakiko vetavile chize. Chize chapwile chamwaza. Vakiko vafwelelele chize. Vakiko vafwelelele chize chinjikizo. “Twaya kuno, Lapi, kuliuka lyami, etu natuya nakukuhana Ove kuzachila hamwe. Punduvane, etu twafwelela Ove. Ove unapu wamwaza. Ove yove Lapi. Ove uli Kapolofweto wamukweze. Twaya nakwingila! Vosena kuzachila hamwe! Chize chinjikizo chinapu chamwaza.”

¹⁷⁰ Oloze omwo Lizu lyahanjikile, kaha ngwalyo, “Yami na Tata Yami twapwa Umwe.”

¹⁷¹ Mamaah, yami, vakiko kavahashile kufwelela Chizeko. “Ove mulinga Ove lyavene kupwa Kalunga.” Vakiko kavatondele Lizu ko. Vakiko vazangile chinjikizo. Vakiko vatachikijile chize, vakiko vetavilile nge kwapwilenga chinjikizo cha Meshiya, oloze, lize Lizu, vakiko kavalingile Ngachizeko.

“Eyi milimo Nguli nakulinga namukaya nakuyilinga nawa.”

Kaha vakiko ngwavo, “Ikiye napu Mbelezembule.”

Ikiye ngwenyi, “Enu chisemunuino cha manoka.”

¹⁷² Mamalelo, vakiko vamujinjile lize Lizu. Chuma muka vakiko valingile? Vakiko kuhaka lize Lizu kufuma mukachi kavo. Vakiko vamuhakile Ikiye kuweluka.

¹⁷³ Yesu ambile ngwenyi, “Kachi vakiko kuvuluka Mukulwane wa zuvo nge, ‘Mbelezembule,’ nyi tumbaji Twenyi navavavuluka ngachilihi?”

¹⁷⁴ Anuka, mu Kusoloka 3, ha chisemunuino cha Lauchiseya. Echi chinapu Lauchiseya; chinjikizo cha Satome chili nakwiza. Lize Lizu, “Kukinduluka ku Lizu, kufuma mujishimbi na vikungulwilo, kaha kwalumuka ku Lizu,” omwo Chejile, kutesekesa na Kusoloka 3, Ikiye vamuhakile muliuka, chochimwe nge omu chapwile jino.

¹⁷⁵ “Chize chinjikizo chili chakwoloka, oloze keshi Lizu ko.” Vakiko kavatondele chuma chimwe na Lizu ko. Nduma, nduma; lize Lizu. Oloze Mose ngwenyi, kachi vakiko kaveshi kuhasako, mokomoko . . .

¹⁷⁶ Kalunga ahanjikile kuli Mose, “Vakiko kaveshi kuhasa kufwelela lizu lyatete lya chinjikizo chatete, kweseka vakiko ha lizu lya muchivali. Kaha kachi vakiko kaveshi kulinga

ngachizeko, jino yako umbate meya amwe nakuwahingununa hamavu.” Mukiko kaha. Mukiko kaha. “Kukosa, lukungu luzu—luzu lukungu kufuma kumahinji ove,” mujila ikwavo, nge omu Yesu ahanjikile. Ambile ngwenyi, “Yako kambate meya amwe kufuma mukalwiji, hingununa hamavu, kwiza nakupwa manyinga, kaha kusolwesa nga chumamuka ikiye ali nakuya nakulinga kupwa nakumufumisamo, manyinga.” Shikaho chize chinapu vene chumamuka chapwilenga.

¹⁷⁷ Kachi vakiko kavafweleleko chize chinjikizo, jino chinjikizo cha muchitatu kupwa nacho. Milimo yosena ili na vinjikizo vitatu, kachi vayituma kuli Kalunga. Yesu apwilenga na vinjikizo vitatu. Mose apwile na vinjikizo vitatu. Nowa apwilenga na vinjikizo vitatu. Elija apwilenga na vinjikizo vitatu. Vyuma vyosena kwiza vinjikizo vitatu. Tachikizenu. Ivwililenu, masepa.

¹⁷⁸ Kuli nakutoka chindende. Ngukwechi... Mamaah, yami, Ngunahono kutachikiza chize chapwile kukotokela, chimbwa kufuma haze.

¹⁷⁹ Kachi enu munahase kufwelela chinjikizo cha Satome, cha Luka, talenu, nge omu Ikiye ashikile echi; enu mwafwelela chinjikizo cha Satome, jino mwomwoika munahono kwitavila Lizu lya Malaki lize linakavangiza chinjikizo, lya “kindulukenu ku Lizu”? [Hatepu hapimbi—Muka.] Eyi Mbimbiliya yahanjika ngocho, kaha mwamono echi, kahajino ivwililenu ha Lizu lya chinjikizo.

¹⁸⁰ China ndombo eli nakwiza! Kanda kushinganyeka, “Mwomwo Ngwapandama ku, Assemblies of God, Mesondisiti, Mbaputishiti, Pulishiteliyani, Ngwatela kuya nakwingila.” Kalunga ali wakutela kufumisa kuli awa malolwa kukatula vana va Apalahama. Alumukila ku Lizu! Kinduluka akufuma kujitatu jakaye kaha zachiso ya vikungulwilo, na vyuma kana. Kalunga mwaya nakuvenyeka kufuma kumeso a mavu. Ikiye mwaya nakujiminyina mwishi ya kalungalwiji wa kuvulyama, chochimwe nge Ikiye alingile Ejipitu omwo Ikiye asanyikile Isalele, lifuchi kufuma mulifuchi. Omu Ikiye mwasanyika Mwenga kufuma muliuka, ikiye mwaya nakuhita mumakava, manyinga kutunga kapila hano hamavu. China ndombo ize yili nakwiza, mwomwo yinahete lyehi!

¹⁸¹ Enu kamweshi kuhasa kumona vyuma kanako chakuzeneka... Ngunahono kutachikiza chuma muka enu munashinganyeka hali vakiko. Ngunapu kaha namulimo wakujitanga kaha kuhanjika hajikiko. Kuli enu! Enu munahase kufwelela chinjikizo, kahajino mwafwelela Lizu lize lyeji kukavangiza chinjikizo. Mamaah, yami!

¹⁸² Tala, Mose, muyachi wa kuya nakulovoka jino. Ikiye apwilenga nakuvalweka vaze vathu ha lushiko luzu vahanyine kuli masevo. “Ngunanuka lushiko Lwami kuli masevo.” Kaha

jino chumamuka—chumamuka Mose alingile? Kwalumuna michima ya vathu kukinduluka kuchuma masetu vahanjikile. Kaha nge omu Mose apwilenga jino, shikaho mukiko apwile Malaki 4, “kwalumuna vathu kukinduluka ku Lufwelelo lwa masevo.”

¹⁸³ Vyosena evi vipalapala vya vikungulwilo, kaha navyangocho, kukinduluka ku Lizu! Ngunatachikiza, vathu vavavulu kulinga ngachize; kangweshi Yami nguli nakungangwomokako hano. Eji jitepu kuya nakujinguluka mukaye, talenu, kwosena. Nguli nakungangwomoka kuli enu, oloze Nguli nakungangwomoka kalamwosena omwo chili, kulihi chapandama. Ngunapu mukakutumba Mbuto. Mukiko kaha Ngunatachikiza kulinga. Echi chili kuli enu kusakula. China ndombo chize chili nakwiza, vathu!

¹⁸⁴ Kanda kushinganyeka mwomwo ove uli Pendekosita. Kanda kushinganyeka mwomwo mama yove apwile wamwaza, wakujilika Mesondisiti, mokomoko iso wamwaza, kutambakana Mbaputishiti. Kanda kushinganyeka nge nachiya nakupwa nakala chuma chakulinga na ove. Kanda kushinganyeka mwomwo ove wapandama kuliuka lize vakiko vatungile, mokomoko liuka lize ove uli nakutunga jino. Kanda kushinganyeka mwomwo enu va Pendekosita kuhanjika mumalimi na kukina mu Shipilitu, kaha kulaha helu nahamavu, muaka fwote okwo. Kanda kushinganyeka mwomwo ove uli na kuliwana cha kuka, na vyangocho.

¹⁸⁵ Kanda kuhona kumona chize chinjikizo, cha Panda ya mulangi wa Kakahya, nge Kalunga nenjikiza; kaha Lizu kunyima Yacho, kwalumuka, kukinduluka kuli Kalunga. Kanda kwecha Echi chihite enuko. Kuli chinjikizo na Lizu.

¹⁸⁶ Omu muthu mwakatuka na chinjikizo, shikola yoyimwe ya vishinganyeka, kuze kulichuma chimwe chakuhenga, echi kacheshi kwiza kufuma kuli Kalunga ko. Mamalelo, yami! “Lingisa jila Yenyi yakwoloka jino!” Jino, enu mwafwelela echi? “Kahajino kindulukenu, Ove kapuputa kaha wakutoleka, kuli ove lyavene.” Eyi Mbimbiliya . . . Uze mukakusoneka mwaso ahanjikile:

Mafuchi kuhokoka, Isalele kutona,
Vize vinjikizo vize Mbimbiliya yahanjika;
Vaze makumbi a Vakamafuchi kupwa akulava,
nahala kupwa hamwe;
“Kindulukenu, Ove wakutoleka, kuli ove
lyavene.”

¹⁸⁷ Twaya kinduluka! Kinduluka! Uze kapolofweto ambile ngwenyi, “Nachiya nakupwa Kumunyika mulwola lwa chingoloshi.” Shimbu kanda Musana wilave, nakuya nakupwa Kumunyika. Kutambuka mu Kumunyika shimbu kuli

Kumunyika. Hanyima chindende Kasulu ya Ecumenical nayiya nakupwa nayo, kaha kakweshi jila ya Kumunyika ko.

Echa tunongamenu mitwe yetu.

¹⁸⁸ Tata wa Mwilu, echi chili mumavoko Ove jino. Ngwa—Ngwa akuvile Mbutu. Ngunahono kutachikiza okwo Vakiko valimbukile. Ngwalombo nge Ove muya nakukisula Vakiko kala kwosena Vakiko vali. Kaha echa Vakiko vawane chihela chavo mujila yakushikumuka, kaha kuvuya malolwa osena mivihela vyavo, kaha ize miji kuya nakuvunyika, kaha nge omu chapwile, kaha kupwa nakufumisa nakuzeneka mujila. Tuhane echi, Tata. Etu jino twachihane kuli Ove, mu Lijina lya Yesu Kulishitu. Amena.

¹⁸⁹ Na mitwe yenu yakunongama, meso enu akufwika. Hamene naufuku kupwa kuchilika. Vakashili vamumbongi, Nanguya...nge Mwata netavila, Nanguya nakuhanjika kuli vakiko. Nguli nakuhanjika kuliuka lya kufutula jino. Ngwazanganga kunangula echi; nachiya nakupwa kapuputa chikuma kuhambakana, ha kuliwana nge ngachize.

¹⁹⁰ Oloze, enu, ufuku uno, enu mwafwelela nge enu namumona chinjikizo, kaha munahase kwivwa Lizu, kachi enu munahase kaha enu fwelelenu? Kaha enu—enu kamweshi, enu mwafwelela oloze enu kamwachitavilile Chize ko, Kulishitu mukuzalilila Chenyi, unahase kukatula livoko lyove? Kaha echa kala mutwe kupwa wakunongama jino, kaha kala lizo kupwa lyakusoka. Katula livoko lyove, hanjika, “Ngwanukeko, Ndumbu walunga Branham, nge omu ove mulomba.” Nanguya nakupwa wakuwahilila kulinga echi. Kalunga akukisule.

¹⁹¹ Ove Tata wa Mwilu, eyi Mbimbiliya ngwayo, “Vavavulu vafwelele vava jimikile.” Ngwalombo, Mwata, nge ava vathu vali nakuzundula mavoko avo, nge vakiko vafwelela muli chize, vakiko kavavajimikileko mu kujimika cha Vakakulishitu, echa vakiko vawane lize liuka lyeji kulinganga ngachize, kaha kupwa wakujimika. Tuhanecho, Mwata.

¹⁹² Echa vakiko keshi vapwenga vakujimika kaha mu meya, chize kupwa kaha na—na chinjikizo cha kuweluka chize chumachimwe mukachi chinasoloka. Eyi Mbimbiliya ngwayo, “Kuli Lufwelelo lumwe, Mwata umwe, lujimiko lumwe,” kaha luze lujimiko lwa mushipilitu. Uze mujimba kupwa wakukosa, unapu kaha kusoloka, mokomoko kuhana chinjikizo chize chumachimwe mukachi chinasoloka. Oloze unapu uze mwono kupwa wakujimika na Shipilitu Wajila, chize kupwa kwiza cha Hayamyaka kwingila muchisemwa cha uthu na kwalumuna na kujunguluka, nakupwa mukakufwelelela. Ngwalombo nge vakiko navaya nakutambula Shipilitu Wajila. Ngwawalwekele kuli Ove jino, nge vyuma vyavilemu vya Mujimba, na likoji lya Kulishitu. Mu Lijina Lyenyi, Ngwalombo. Amena.

Jino na mitwe yenu yakunongama, nakavumbi.

¹⁹³ Ngukwechi kaha minyutu yitanu nayivali, Kangwa—Kangwa fumine mulwolako. Kangwa—Kangwa—Kangwapwile na mukana wakulombeleda chikumako. Nguli nakuya nakulomba enu kutwama vene oho muli. Ngukonekelenu hakumishimbwisa. Chamwaza natuya nakulomba hali kalamuthu. Enu vakwetu vathu, enu vamwe kulovoka hano na makati akulombeleda, kanda kulizakaminako, etu natuya nakutambula.

¹⁹⁴ Oloze etu tuli nakuya nakumona kachi Shipilitu Wajila mwaya nakusolola kuli etu jino, kachi enu mwafwelela muli Ikiye kaha enu mwafwelela nge echi chinapu chinjikizo. Anuka, uze Kangelo, Ikiye apwilenga muthu; Ikiye kulya, Ikiye kunwa kumeso a Apalahama, kaha ohonyi Ikiye ahashile, kaha Sala mu mbalaka, Ikiye ahashile kutumbununa vishinganyeka vyapwilenga mumuchima wenyi. Chize chapwile chinjikizo. Ikiye apwilenga lize Lizu. Jino kachi Lizu nalihasa kwiza kuli etu, kahajino, nawa, Ikiye ashikile kuzata chuma chochimwe.

¹⁹⁵ Jino enu muli okwo mulikungumbuwa, enu kamweshi na kati yakulombeleda, kaha enu munatachikiza kamweshi kuya nakupwa mumukanako, Kangwatumbunuine hiya nyi haya kuvangila Mwata mwaya nakungusolwesa. Nanguya... Kaha enu mwafwelela nge Kalunga punduvene mukakuka vakakuviza. Ngwa—Ngwatondo enu ku—kufwelela hano vene, ha minyutu yayindende. Kaha lombi kaha, kaha kuhanjika, “Mwata Yesu, Ngunatachikiza muthu, kuhanjika, ali—ali muthu, oloze ikiye angulwekele ngachize, natulweke etu ufukuuno, kaha kwinjikiza echi kuli etu; nge, Shipilitu Wajila, nge kaye kakeshi kujihako.”

¹⁹⁶ Vakiko vahashile kujiha Yesu omwo Ikiye apwilenga mumujimba; vakiko vamuhakile Ikiye mukufwa. Oloze jino Ikiye nakatuka, museteko yaupahu, Ikiye kaveshi kahasa kamujihako chekako. Kaha Ikiye ambile ngwenyi, “Chindende kaha kaha kaye kakeshi Kungumonako chekako. Oloze, enu,” vaze vakutongola lyehi, vaze vavatongwelele ku Kuyoya cha Hayamyaka, eli Liuka, Mwenga, “enu namukaya na Kungumona yami, mwomwo Nanguya nakupwa na enu, namuli enu, nakusongo. Vize vyuma vize Nguli nakulinga namukaya nakuvilinga nawa.” Jishiko josena eji Ikiye alingile.

¹⁹⁷ Jino, Ngunatachikiza omwo Ikiye apwilenga hano hamavu, Ikiye, Kalunga apwilenga muli Ikiye. Ikiye apwilenga Kalunga. Ikiye apwilenga kuzalilila cha Kalunga. Ikiye apwilenga Lizu lyosena lya Kalunga kusoloka.

¹⁹⁸ Kaha eyi Mbimbiliya hanga ili Kalunga, eli Lizu, kaha kuli kusoloka chimwe oloze vanachisolola. Kaha Ikiye ngwenyi, “Mumakumbi akumakumishilo, omwo kaye nakakeza nakupwa nge Satome cheka, Mwana muthu navakamusolola.” Kaha

chinjikizo cha Satoma nachikaya nakukinduluka, jino Lizu nalikaya nakusanyika vathu, vase vakutongwela ku Kuyoya.

¹⁹⁹ Etu tunatachikiza, omwo Ikiye apwilenga hano, kuze kwapwilenga jimiliyoni ja vathu hano hamavu, vase kavatachikijileko Ikiye apwilenga hano; mulonga kutachikiza. Talenu? Ikiye ejile kuli vase vapwile vakutongola kumona chize.

²⁰⁰ Jino enu lombenu. Jino pwenu vakuunda. Kanda kutambukako. Kala kwosena okwo muli, mujisenge, kwishi, kalakwosena enu muli, kanda—kanda kutambukako, twamenu kulu, kaha lombenu.

²⁰¹ Kuhanjika, “Mwata Yesu, eyi Mbimbiliya ngwayo, mu Hepelewu 4, nge Ove uli hano vene ‘Kapilishitu Wakulitulaho uze vanahase kumukwata na kwivwa chakukola chetu.’ Kaha etu twamono Ove hano hamavu, omwo Ove wapwile hano hamavu, pwevo wamundende lwola lumwe akwachile kuuvwalo Wove, kaha Ove walumukile nakujinguluka, kaha ngwenyi, ‘Hiya nangukwate Yami?’” Ikiye aliswekele lyavene, oloze lufwelelo lwenyi lwa solwele. Yesu amulwekele ikiye ha ukalu wa manyinga, kaha ambile ngwenyi “lufwelelo lunamulwili.” Jino Ikiye napu Kapilishitu Wakulitulaho. Kachi Ikiye youmwe zau, lelo, na hayamyaka, Ikiye mwaya nakulinga mujila yoyimwe, kachi enu—kachi enu namukwata Ikiye.

²⁰² Kaha chumamuka chalingikile jino? Kwatela kupwa nyama, hano hamavu, kuhanjika Lizu Lyenyi. “Yami Muvinyo, ove unapu mitango.” Kakweshi jila yakukulako, masepa. Echi chinapu Chisoneka. Echi chinapu Muchano. Enu vakakuzata mwafwelela chize, kunyima kuze?

²⁰³ Jino kuze, pwenu vakuunda na kulomba, kuhanjika, “Mwata Yesu, echa ngukwate kuchikuto Chove.”

²⁰⁴ Kaha enu kumona wakulihata nayami, napu twende feti mokomoko chikuma. Ngunahono kutachikiza mwono kulovoka kuze. Kangweshi numba nakumona kala muthuko uze vene Ngunatachikiza ufukuuno, natwame kuze; kuvangila Pat Tyler natwame kulutwe, sepa lyami. Kuze vathu vali hamihela, namikombo.

²⁰⁵ Etu twamono ukalu kana ufuku unahichi, kaha lunga kukatuka nakutambuka nakuya. Mwomwoika kamweshi vosenako ufuku uno? Talenu, fwelela kaha, mukiko kaha watela kulunga. Kupwa Chenyi Nachiya nakulingika. Hano Ikiye ali, ove uli nakuya na kwimana hali Ikiye kukusangula ove mumakumbi akumakumishilo.

²⁰⁶ Jino, enu mwafwelela, na kushinganyeka nge enu muli nakulomba kuhichila, tala hali eyi jila jino.

²⁰⁷ Nge Petulu na Yowano vambile ngwavo, “Tala hali etu.” Kaha vakiko vatalile kanawa, uze lunga alingile, kuvandamina

kumona chumachimwe. Ikiye ambile ngwenyi, “Palata na ulu Kangweshi nayoko, oloze echi Nguli nacho. . .”

²⁰⁸ Jino, kuka Kangweshi naumweko, oloze nge omu Nguli, wana wakufuma kuli Kalunga, kukuhana Ove. Kachi ove muya nakufwelela echi, Kalunga mwaya nakuzata echi. Nguli kaha nakukulomba ove kufwelela echi. Nge omu Nguli, Nanguya nakumihana enu. Kachi enu namuya nakufwelela echi, Kalunga mwaya nakuzata echi. Kweseka echi.

²⁰⁹ Hano, hano Echi chili vene jino. Amena. Ngwazanga chize. Kuze kuli mwana pwevo wakalemesa natwame kuze. Ikiye kupwa nge wamunene, natwame vene hano, kuze kusongo. Ove uli nakati yakulombelela? Kupwa nge wamunene. . . Ove kawqeshi na. . . Hano vene, ove kaweshi na kati yakulombelela? Eyo. Ove kaweshi na kati yakulombelela? Ove wafwelela, kalamwosena? Ove kawatondele kati yakulombelako, kachi ove unafwelela.

²¹⁰ Kuze kuli kukashiwa cha lizu, uze ukiko mulonga chinapwila chachikalu kuvuluka vathu nge ngachize, oloze kweseka kwivwulila kuli yami nge omu nauhashila jino.

²¹¹ Kangwakutachikizako. Ove kaweshi na kati yakulombelelako, shikaho ove muya nakupwa kuze kukamenga. Kachi Kalunga mwaya nakusolola kuli yami ukalu wove uka, enu namuya nakufwelela echi (ika?) nachiya nakupwa chuma chochimwe nge Ikiye alisolwele kuli pwevo ukalu wenyi uka? Uze pwevo haze ha lishima? Sala, chuma ikiye ahanjikile, kaha navyangocho? Enu mwafwelela echi? Enu mwafwelela nge nachiya nakupwa chakwoloka?

²¹² Ove uli nakuyanda na manyinga, chumachimwe chakuhenga na manyinga ove. Kachi echi chakwoloka, katula livoko lyove. Chosena chakwoloka. Enu kamweshi nachoko jino. Yalumukile Kumunyika hali ove. Yesu Kulishitu nakuvumbika ove.

²¹³ Jino, Kanda lyehi ngumumone ou pwevo, muchiyoyelo chami. Jino chuma muka echi? Echi chatela kupwa Shipilitu. Jino enu munahase kuhanjika nge va Fwaliseu, “Uze ikiye liyavolo,” chamwaza, ove mumbata fweto yavo. Enu ngwenu, “Ali Kulishitu,” enu mbatenu fweto ya Kulishitu. Ngwafwelela nge eli linapu Lizu kupwa lyakusoloka mulikumbi lya makumishilo; keshi yamiko.

²¹⁴ Hano, hano mukwavo pwevo wakalemesa wamundende natwame vene hano. Ikiye ali nakuyanda na mishisa kumahinji eyi. Ikiye ali na ukalu. Ikiye ali naukalu wamuchima. Ikiye ali nakulombela umwe ngwazanga, uze ikiye ndumbu walunga. Ikiye ali nakulila jino. Ikiye ali mukuliwana. Uze ndumbu walunga ali nakuzachila chikuma. Echi chinapu ukalu wa shuka. Kaha, nawa, ikiye ali na muvwimbimbi ukwavo, ikiye napu mukashili. Kaha ove uli nakumulombelela ikiye. Echi chakwoloka. Mujike Welton, kachi ove muya nakufwelela na

muchima wove wosena, Kalunga mwaya nakuchilinga. Ove wafwelela echi? Echi chinapu majina ove.

²¹⁵ Jino echi cheka kuhambakana omu ahanjikile Yesu kuli Shimona, “Lijina lyove linapu Shimona, ove yove mwana Yona”? Pwenu nalufwelelo. Kanda kukakasanako. Fwelela echi na muchima wove wosena. Kachi enu mwafwelela echi, Kalunga mwaya nakuneha echi. Kachi enu munahase kupwa kaha . . .

²¹⁶ Hano, hano hali pwevo wakalemesa wamundende natwame hano, kutala hali yami hano. Ikiye kupwa na jikambu jichila. Ikiye jikambu jakukokela kunyima.

²¹⁷ Kaweshi nakumona chize kKumunyika, kupwa nge ngengu, kujinguluka hali uze pwevo? Ikiye atachikiza nge chili nakusoloka jino, mwomwo ikiye kwivwa Echi. Echi chili hakamwihi na ikiye, ikiye keshi kuhasa kukafwa kufuma kwivwa Echiko. Kachi echi chakwoloka, pwevo wakalemesa, katula livoko lyove. Ikiye ali haze.

²¹⁸ Jino Ngunapu ngeji kuli enu. Ngunahono kutachikiza chuma chimwe hali enu. Oloze enu mwapwile vanatwame haze nakulomba. Echi chakwoloka. Kachi echi chakwoloka, hwingisa livoko lyove nge ngana. Jino, kachi Yesu Kulishitu napu Mwana Kalunga, ou Ikiye ali, uze Kapilishitu Wakulitulaho natwame kulivoko lya chilyo lya Kalunga. . . Kaha Ngunemana hano ha wana, na yami lyavene- . . . kuweluka, kupwa kaha nakushinganyeka cha uthu, keshi kushinganyeka chenye iveneko; jila yakunoka muwongo wami kaha kushinganyeka, na kupwa nge echa Kalunga atambuke nakwingilamo. Enu mwafwelela nge Ikiye. . . Yami, Kalunga natachikiza Kangwamitachikizako; kaha munatachikiza mwomumwe. Shikaho kachi Kalunga mwaya nakusolola kuli yami ukalu wove, mokomoko chumachimwe ove uli nakuvandamina, kutonda, mokomoko chumachimwe cheka, enu mwafwelela nge Kalunga mwaya, nahase kulinga ngachize?

²¹⁹ Ove ukwechi ukalu wanyima. Uze ukiko chuma chimwe ove uli nakulombelaho. Kaha ove ukwechi ukalu na meso ove. Ove wafwelela nge Kalunga mwaya nakuvahindula vakiko na kuvalingisa kupwa kanawa? Ove mulinga? Ove wafwelela? Ove wafwelela Kalunga nahase kungulweka yami hiya? Pwevo lya Hallman, ove wafwelela na muchima wove wosena jino, ove unahase kupwa na ovyo walombo. Ove wafwelela?

²²⁰ Hano hali pwevo wamukulwane natwame mujila yayindende kunyima yenyi kuze. Ikiye ali nakulomba, nawa. Ikiye akwechi musongo washuka. Ngunatalilila ikiye kuhona echiko. Echi chili vene hali ikiye. Ikiye kupwa wakukula. Munyutu kaha, echa Mwata angukafweko jino. Ikiye. . . Ikiye achikwachile. Chosena chakwoloka. Ngwamono omwo ikiye apwilenga mukuliwana. Ikiye keshi wakunoko. Ikiye nafumu ku Louisiana. Mbonyi yenyi—yenyi muchihela vavuluka kupwa Singer, Louisiana.

Kaha ikiye kuyanda na shuka. Lijina lyenye ikiye Pwevo lya Doyle. Kachi echi chakwoloka, katula livoko lyove. Chosena chakwoloka. Ngunapu ngeji kuli ikiye, kanda lyehi ngumumone muchiyoyelo chami. Oloze Yesu Kulishitu, Mwana Kalunga, natachikiza vyosena hali ove.

²²¹ Kuze kuli pwevo wakalemesa natwame kunyima kuze, kufuma kumbongi yoyimwe, chihela vavuluka kupwa Singer. Ikiye ali nakuyanda na kulaha cha manyinga. Kaha lijina lyenye linapu Clark. Enu mwafwelela, Pwevo lya Clark? Chosena chakwoloka, pwako navyo walombanga.

Ove wafwelela?

²²² Kuli chinjikizo! Ivwulilenu ha Lizu! Kupihilila nakwalumuka, kinduluka kuli Kalunga washi nge omu munahase! Yesu Kulishitu ali hano mu Ngolo ja kusanguka Chenyi; chisemunuino chachipi kaha chaujila vanatambula chinjikizo cha Yesu Kulishitu kuyoyela mukachi kavathu. Ikiye kahashile kulinga chizeko na yami, chatela kupwa ove, nawa. Talenu, uze pwevo atela kukwata kuchikuto Chenyi. Enu mwatela kukwata kuchikuto Chenyi. Etu tuli kaha vizachiso kaha.

²²³ Enu mwafwelela na muchima wove wosena? Jino kachi enu mwafwelela chize. . . Vangahi vafwelela echi, katulenu mavoko enu, nge ngana, ngwavo, “Ngwafwelela mwamuchano echi.”

²²⁴ Jino kachi enu mwafwelela echi, Yesu ngwenye echi, “Evi vinjikizo navikakavangiza vaze vakakufwelela; kachi vakiko navahaka mavoko hali vakakuviza, navakayoya.” Enu mwafwelela echi?

²²⁵ Jino echi chili chakukotokela. Etu katweshi na lwolako. Etu tuli na minyutu twende faifi jino palanga teni. Munahase kuhaka mavoko enu hali umwe namukwavo, jino? Kaha linga kaha nge omu Nangumilweka jino, haka kaha mavoko enu hali umwe namukwavo.

²²⁶ Jino munatachikiza, helu lya ndalo, kwosena okwo uli. Jino munatachikiza, nge chamwaza nge kalachuma jino, Hanyima ya Chisoneka hakuchinangula kanawa kwinjikiza vyosena nakuhita mujila ya zuvo.

²²⁷ Ngwamono umwe namukwavo, hano vene jino. Talenu? Kaha mukwavo ali hano, ukalu wakujikila. Pwevo wakalemesa na TB. Huu-hu. Kuhanjika, Echi chili kaha kwosena jino, oloze Echi chili nakuzeya.

²²⁸ Chihandwa muka, ngachilihi? Enu mwamono fifite, lwolalumwe kuli chize, kaha enu mwatondo kumona sevete lwola lukwavo. Yesu alingile luzu lwola lumwe ku Sychar, kaha mbongi yosena ya fwelelela hali Ikiye. Vakiko vapwile nakutala hali Meshiya.

229 Uze Meshiya ali hano, ou Shipilitu Wajila, Meshiya wa likumbi lino; uze Meshiya ali nakulingisa eli Lizu kupwa lya kwinjikiza, lya lushiko Lwenyi.

230 Jino Ngwatondo enu vosena, nge omu enu namuhaka mavoko enu hali umwe namukwavo, kachi enu munapu vakakufwelela. Jino enu kanda kulilombela ove lyaveneko. Ove lombela uze muthu, uze vakiko vali nakulombela ove. Jino, Lizu lyolimwe lize vashikile muno mumakumbi akumakumishilo, vanalishiki nawa . . .

231 Kaha anuka, Yesu ngwenyi, “Evi vinjikizo navikakavangiza vaze vakakufwelela.” Echi kuka, kwiza kunyima, eli lizu lize chize chinjikizo kuchimona. Vakiko navakahaka mavoko hali vakakuviza, nge chinjikizo; lizu linapu “haleluya, Mwata nanguhindula!” Jino kachi evi vinjikizo navikatwamanga na lizu, chize chinjikizo, kachi ove umukakufwelela, nalikaya nakukavangiza. Eli lizu nalikaya nakukavangiza chinjikizo.

232 Kachi Nangukuhana echi chinjikizo, chize Ngwakulwekanga kwiza nakufuma kuli kalunga, kaha Kalunga kushika muli lino likumbi; chinapu vene kanawa kulifumisa, kuze kakweshi chumako oloze uleya ukiko nauhonesa kufwelela echi. Talenu? Kahajino Kalunga alumukile nakujinguluka na kwinjikiza echi, kuchilingisa ngocho. Jino Ikiye ali hano.

233 Jino umwe naumwe, mujila enu mweji kulombanga haliuka lyenu, kachi kuli enuko, kutambakana, kalachuma chili, enu lombelenu muthu enu mukwechi mavoko enu hali, mwomwo vakiko vali nakumilombelela.

234 Kaha jino tala helu. Kaha Kumeso a Meshiya, uze Kulishitu, uze Umwe Wakusanguka, Hanga ayoya hanyima ya myaka tu sauzande, natupwa ngachilihi nakafunguya mu Shipilitu? Uze atelanga kuhaka lifuchi ha Kahahya. Lize lyatela kupwa Beaumont kupihilila, muvikelevi na uto. Oloze munahase kulinga echi? Nduma.

235 Oloze enu muli nakutala hali Ikiye, kaha kufwelela nge Ikiye mwaya nakuchilinga na kulama Lizu Lyenyi, echi chili kuli enu jino lushiko vanatuhane. Kuhaka mavoko enu hali muthuumwe na kulomba, shimbu Nangukalombelela ove kufuma hano.

236 Mwata Yesu, tunahanjika vyavivulu, vyavivulu vinalingika. Eli Lizu lize vanashiki kusoloka. Ou Meshiya, uze Kulishitu wa Kalunga, ali Kumeso a Ukalunga. Etu kwivwa Ikiye. Etu twamumono Ikiye. Etu tunatachikiza nge Ikiye ashikile echi mumakumbi akumakumishilo. “Nge muze chapwile mumakumbi a Satome, shikaho mukiko nachikapwa omwo Mwana muthu navakamusolola.” Kahajino, etu tunatachikiza.

237 Etu twamono kaze—kaze kakahya muutangatanga, ize mitelembi. Etu twamono mafuchi akulya kutututu, mafuchi kuhokoka. Etu twamono Isalele mulifuchi lyavo. Kala chinjikizo

chize vashikile, vinazalishiwa. Chuma chakushisaho shina Mwana walushiko, Kwiza.

²³⁸ Ove Kalunga wa Hayamyaka, Kumeso a Yesu Kulishitu, uze Shipilitu Wajila wamunene hano jino kwinjikiza nge Ikiye ali hano, kwivwa kulomba cha ava vathu, kwivwa ava Vakakulishitu; nge, omwo Nanguseza, vakiko kaveshi kuhanjika, “Ndumbu walunga Branham alingile echi.” Muthuumwe nawa vakiko kavatachikijileko, kuhaka mavoko hali vakiko, kaha vakiko ahindukile. Oloze Ove washikile nge Lizu lyapwilenga na chinjikizo kuli chize. Kaha echa vakiko vapwenga vakuhinduka, nge omu Ngwavakunjika kuli Ove, mu Lijina lya Yesu. 

64-0313 Lizu Lya Chinjikizo
Municipal Auditorium
Beaumont, Texas U.S.A.

LUVALE

©2025 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org